

2015
წელი

საქართველოს ადვოკატთა ასოციაცია

აღმასრულებელი საბჭოს
ანგარიში



სარჩევი

▪ ადვოკატთა ასოციაციის აღმასრულებელი საბჭო-----	3
▪ ადვოკატთა ასოციაციის ასოციაციის თავმჯდომარე-----	8
▪ ადვოკატთა უფლებების დაცვის კომისია-----	9
▪ ადვოკატთა ასოციაციის სისხლის სამართლის კომიტეტი-----	15
▪ ადვოკატთა ასოციაციის სასწავლო ცენტრი და საგანმანათლებლო საბჭო-----	20
▪ ადვოკატთა ასოციაციის ეთიკის კომისია-----	27



ს.ს.ი.პ „საქართველოს ადვოკატთა ასოციაციის“

ანგარიში

1) აღმასრულებელი საბჭო

2015 წლის საანგარიშო პერიოდში, აღმასრულებელი საბჭოს მიერ განხორციელდა მრავალი ღონისძიება, გაიმართა არაერთი საერთაშორისო დონის და ადგილობრივი შეხვედრა. საბჭოს წევრების ერთიანი ძალისხმევით და ინტენსიური მუშაობის შედეგად, მნიშვნელოვანი ნაბიჯები გადაიდგა საერთაშორისო პარტნიორული სივრცის და არასამთავრობო ორგანიზაციებთან ურთიერთობების გაფართოვება/განმტკიცების მიზნით, კერძოდ:

- პოლონეთში ქ. გდანსკში გაიმართა ევროპის ადვოკატთა ასოციაციების და სამართლის საბჭოს (CCBE) პლენარული სესია. პოლონეთში ქართულ დელეგაციას წარმოადგენდნენ საქართველოს ადვოკატთა ასოციაციის თავმჯდომარე ზაზა ხატიაშვილი, აღმასრულებელი საბჭოს წევრი, ასოციაციის საერთაშორისო მდივანი დავით ასათიანი და ახალგაზრდა წარმატებული ადვოკატი ქეთევან სვანიძე. სესიაზე მოხსენებით გამოვიდა საქართველოს ადვოკატთა ასოციაციის თავმჯდომარე ზაზა ხატიაშვილი, რომელმაც საქართველოში ადვოკატთა ინსტიტუციური უფლებების დარღვევაზე და ადვოკატის საქმიანობაში უხეშად ჩარევის ფაქტებზე ისაუბრა. აღნიშნულ ღონისძიებაზე საქართველოს ადვოკატთა ასოციაციამ პოლონეთის ადვოკატთა ასოციაციასთან ურთიერთთანამშრომლობის მემორანდუმი გააფორმა.
- საქართველოს ადვოკატთა ასოციაციის დელეგაცია, აღმასრულებელი საბჭოს წევრი, ადვოკატი ირაკლი ყანდაშვილის ხელმძღვანელობით ევროპის საბჭოს მიწვევით იმყოფებოდა სტრასბურგში, სადაც მონაწილეობა მიიღო ევროპის საბჭოს მმართველი კომიტეტის სხდომაზე და ევროპის საბჭოს ეგიდით პირველად ორგანიზებულ იმიტირებულ სასამართლო პროცესებში. ვიზიტის ფარგლებში ირაკლი ყანდაშვილმა და სასწავლო ცენტრის დირექტორმა თინათინ ქარსელაძემ მონაწილეობა მიიღეს საერთაშორისო კონფერენციაში, რომელიც ეძღვნებოდა იურისტებისათვის ადამიანის უფლებათა და ევროპული სასამართლოს პრაქტიკის სწავლების მეთოდოლოგიას. ევროპის საბჭოს მიერ პირველ იმიტირებულ პროცესებში მონაწილეობის მისაღებად, ევროპის საბჭოს მიერ ორგანიზებული გამჭვირვალე და ღია კონკურსის შედეგად შერჩეულ იქნენ ადვოკატთა ასოციაციის წევრები ზურაბ მუხურაძე, ია უჯმაჯურიძე და იურისტი მარიამ ასანიშვილი.
- 2015 წელს ადვოკატთა ასოციაციის აღმასრულებელი საბჭოს წევრმა ირაკლი ყანდაშვილმა დაიწყო ადვოკატთა ასოციაციაში ახლადგაწევრიანებულ ადვოკატებთან გაცნობითი შეხვედრების სერია.

საანგარიშო პერიოდში შეხვედრებში მონაწილემა მიიღო ასამდე ახალგაზრდა ადვოკატმა, რომლებმაც მიიღეს ინფორმაცია ადვოკატთა ასოციაციის საქმიანობის, დაგეგმილი და განხორციელებული ტრენინგების, ასოციაციის მუშაობის სისტემის შესახებ.

- საქართველოს ადვოკატთა ასოციაციის მართლმსაჯულების რეფორმების კომისიის ორგანიზებით გაიმართა მრგვალი მაგიდა – „საკანონმდებლო წინადადებები უზენაესი სასამართლოს ეფექტური რეფორმირებისთვის“. სამართლის უზენაესობის და მართლმსაჯულების რეფორმების კომისიის თავმჯდომარე დავით ასათიანმა გააკეთა პრეზენტაცია და ისაუბრა „საერთო სასამართლოების შესახებ“ საქართველოს ორგანულ კანონში ცვლილებების პროექტის შესახებ. კერძოდ, პროექტი ითვალისწინებდა უზენაესი სასამართლოს სტრუქტურის, უზენაესი სასამართლოს კოლეგიის და მისი შემადგენლობის, უზენაესი სასამართლოს პლენუმის რეფორმირებას.
- 23 აპრილს ჰააგაში ევროპის ადვოკატთა ასოციაციების და სამართლის საზოგადოებების საბჭოს (CCBE) მმართველი და პეკო კომიტეტების გაერთიანებული სხდომა გაიმართა, რომელშიც აღმასრულებელი საბჭოს წევრი დავით ასათიანი მონაწილეობდა. მან ევროპელ კოლეგებს გააცნო უკანონო შემოსავლების ლეგალიზაციის კანონში დაგეგმილი ცვლილებების შესახებ ინფორმაცია. აღნიშნულ შეხვედრაზე ევროპელმა კოლეგებმა გამოხატეს სოლიდარობა ქართველი კოლეგების მიმართ და შეთანხმდნენ კონსოლიდირებულად გააგრძელონ მუშაობა რათა, შემოთავაზებული ცვლილებები არ იქცეს კანონად.
- საქართველოს ადვოკატთა ასოციაციის აღმასრულებელი საბჭოს წევრი და საერთაშორისო მდივანი ბ-ნი დავით ასათიანი ოფიციალური ვიზიტით აზერბაიჯანის დედაქალაქ ბაქოში იმყოფებოდა. მან აზერბაიჯანელ კოლეგებს ქართველი ადვოკატების გამოცდილება და ამ მიმართულებით განხორციელებული წარმატებული პროექტები გააცნო. კონფერენციის პარალელურად, გაიმართა მაღალი დონის შეხვედრები აზერბაიჯანის უზენაესი სასამართლოს თავმჯდომარესთან, იუსტიციის მინისტრის მოადგილესთან, აზერბაიჯანის პარლამენტის იურიდიული კომიტეტის თავმჯდომარესთან და ადვოკატთა კოლეგიის ხელმძღვანელობასთან. მხარეები შეთანხმდნენ საქართველოსა და აზერბაიჯანის ადვოკატთა კორპუსის შემდგომ თანამშრომლობასა და ამ პროცესის CCBE-ის მხრიდან მხარდაჭერასთან დაკავშირებით.
- 25 აპრილს სასტუმრო „თბილისი მერიოტში“ საქართველოს ნოტარიუსთა პალატისა და ადვოკატთა ასოციაციის წარმომადგენელთა შეხვედრა გაიმართა. შეხვედრაზე სამემკვიდრეო საქმისწარმოებასთან დაკავშირებული საკითხები განიხილეს. მხარეებმა იმსჯელეს ცალკეულ პრობლემებზე, რაც ხშირია როგორც სანოტარო, ისე საადვოკატო საქმიანობაში. შესაბამისად, შეირჩნენ ისეთი პრაქტიკოსი ადვოკატები, ვისაც აქტიური შეხება აქვს სამემკვიდრეო საქმესთან. შეხვედრის მიზანი იყო, გამოიკვეთოს პრობლემები და შეჯერდეს საერთო პრაქტიკა სამემკვიდრეო საქმისწარმოებაში, რაც მოქალაქეებს გაუმარტივებს მემკვიდრეობასთან დაკავშირებული მომსახურების მიღებას.
- 28 მაისს საქართველოს ადვოკატთა ასოციაციამ გამართა საერთაშორისო კონფერენცია თემაზე: „საქართველოს ადვოკატთა ასოციაციის სტრუქტურა და საქმიანობა“. კონფერენციაში მონაწილეობა მიიღეს სხვა დასხვა ქვეყნის ადვოკატებმა. კონფერენციაზე ადვოკატთა ასოციაციის თავმჯდომარემ ზაზა ხატიაშვილმა ისაუბრა საქართველოში ადვოკატის უფლებების დაცვის გარანტიებზე და ხელისშემშლელ გარემოებებზე. შეხვედრაზე ასევე განიხილებოდა საკითხები: საქართველოს ადვოკატთა ასოციაციის სტრუქტურა, განგრძობადი იურიდიული განათლების სისტემა, ადვოკატთა ასოციაციის სასწავლო ცენტრი სტრუქტურა და მუშაობის სისტემა,

ადვოკატთა ასოციაციის საგანმანათლებლო საბჭო და საგანმანათლებლო ღონისძიებების აკრედიტაცია, ეთიკის კომისიის მუშაობის კუთხით-ადვოკატთა დისციპლინური პასუხისმგებლობა, ადვოკატთა საქმიანობის ორგანიზაციულ-სამართლებრივი ფორმები (ბიურო, ამხანაგობა და ა.შ.). საზოგადოებრივ ადვოკატთა საქმიანობის სტრუქტურა, ფუნქციები და ანაზღაურება.

- გამყარდა ურთიერთობები საერთაშორისო არასამთავრობო ორგანიზაციებთან. 2015 წლის 2 ივნისს, ევროპის საბჭოს ორგანიზებით, ევროკავშირის და ევროპის საბჭოს ერთობლივი პროექტის „საქართველოს ადვოკატთა ასოციაციის მხარდაჭერა“ ოფიციალური გახსნითი შეხვედრა გაიმართა. შეხვედრაზე საქართველოს ადვოკატთა ასოციაციის თავმჯდომარემ ადვოკატთა ასოციაციის გამოწვევებზე, რეფორმებზე და საქართველოში ადვოკატის უფლებების დარღვევის ფაქტებზე ისაუბრა. პროექტი არის აღმოსავლეთ პარტნიორობის ფარგლებში ევროკავშირსა და ევროპის საბჭოს შორის 2014 წელს დადებული შეთანხმების ნაწილი, რომლის ძირითადი მიმართულებებია: საკანონმდებლო ბაზის, ასოციაციის ეთიკის კომისიისა და რეგულაციების მუშაობის დახვეწა, განგრძობადი იურიდიული განათლების ხელშეწყობა, საკვალიფიკაციო გამოცდის ფორმატის დახვეწა.
- ბიზნესის ხელშეწყობი გარემოს გასაუმჯობესებლად საკანონმდებლო და მარეგულირებელი რეფორმების სამართლიანად და გამჭვირვალედ დაგეგმვის და განხორციელების მხარდასაჭერად 3 აგვისტოს აღმასრულებელი საბჭოს გადაწყვეტილებით, ადვოკატთა ასოციაციის კომერციული სამართლის კომიტეტი ასოციაციის სახელით გაწევრიანდა „ეკონომიკური პოლიტიკის ადვოკატირების კოალიციაში“ და კოალიციის საქმიანობაში მიიღებს მონაწილეობას. 2015 წლის 15 სექტემბერს ეკონომიკური პოლიტიკის ადვოკატირების კოალიციის ურთიერთთანამშრომლობის მემორანდუმის გაფორმების ცერემონია გაიმართა. საქართველოს ადვოკატთა ასოციაციის აღმასრულებელი საბჭოს წევრმა და კომერციული სამართლის კომიტეტის თავმჯდომარე დავით ლანჩავამ ხელი მოაწერა თანამშრომლობის მემორანდუმს. რომელიც მიზნად ისახავს კოალიციასთან აქტიურ თანამშრომლობას და ერთობლივი პროექტების განხორციელებას. „მმართველობა განვითარებისთვის“ ამერიკის შეერთებული შტატების საერთაშორისო განვითარების სააგენტოს (USAID) პროექტია, რომელიც მიზნად ისახავს საქართველოს მთავრობის დახმარებას
- საქართველოს ადვოკატთა ასოციაციაში თავმჯდომარესთან ზაზა ხატიაშვილთან ოფიციალური ვიზიტით იმყოფებოდა უკრაინის ადვოკატთა ასოციაციის თავმჯდომარის მოადგილე ვალენტინ გვოზდი. შეხვედრაზე მხარეებმა გააფორმეს ორმხრივი თანამშრომლობის მემორანდუმი და განიხილეს სამომავლო გეგმები. ზაზა ხატიაშვილმა სტუმარს ვრცელი ინფორმაცია მიაწოდა, საქართველოს ადვოკატთა ასოციაციაში განხორციელებული პროექტების და საქმიანობის შესახებ.
- 24-25 სექტემბერს, ბელორუსიის დედაქალაქ მინსკში, ევროპის ადვოკატთა ასოციაციების და სამართლის საბჭოს (CCBE) და ბელორუსიის ადვოკატთა კოლეგიის ორგანიზებით სასამართლო მედიაციის თემაზე საერთაშორისო კონფერენცია გაიმართა. კონფერენციაში, CCBE-ის ექსპერტის სტატუსით, მონაწილეობა მიიღო საქართველოს ადვოკატთა ასოციაციის საერთაშორისო მდივანმა დავით ასათიანმა. მან კონფერენციის მონაწილეებს გააცნო სასამართლო მედიაციის ქართული მოდელი და ხაზი გაუსვა ადვოკატთა პროფესიის აქტიურ როლს მედიაციის ინსტიტუტის განვითარებაში.

- 7 ოქტომბერს, სასტუმროში „ამბასადორი“, ევროსაბჭოს ორგანიზებით საქართველოს ადვოკატთა ასოციაციის ეთიკის და საკანონმდებლო საკითხებთან დაკავშირებით მრგვალი მაგიდა გაიმართა. ევროსაბჭოს ექსპერტის რიტის იოკუბაუსკასმა ადვოკატებს საკუთარი რეკომენდაციები გააცნო ადვოკატთა ასოციაციის საკანმდებლო ბაზასთან დაკავშირებით. შეხვედრაზე, საქართველოს ადვოკატთა ასოციაციის ეთიკისა და დისციპლინური წარმოების შესახებ ანალიზისა და რეკომენდაციების შესახებ ისაუბრა ევროსაბჭოს ექსპერტმა იოს უიტდეჰააგმა. შეხვედრის დასრულს დისკუსია გაიმართა.
- 7 ნოემბერს, სასტუმროში „ქორთიარდ მერიოტი“ ამერიკის შეერთებული შტატების საერთაშორისო განვითარების სააგენტო (USAID), კანონის უზენაესობის მხარდაჭერა საქართველოში (PROLOG), ევროკავშირისა და ევროპის საბჭოს ერთობლივი პროექტი „საქართველოს ადვოკატთა ასოციაციის მხარდაჭერა“ და ევროკავშირის პროექტი „სისხლის სამართლის მართლმსაჯულების სისტემის რეფორმის მხარდაჭერა საქართველოში“ ფინანსური მხარდაჭერით, საქართველოს ადვოკატთა ასოციაციის 10 წლის იუბილესთან დაკავშირებით, „ადვოკატთა პროფესიის თავისუფლების და ინსტიტუციური გარანტიების“ შესახებ საერთაშორისო კონფერენცია გაიმართა. კონფერენციაზე მოწვეულნი იყვნენ სასამართლო ხელისუფლების, იუსტიციის საბჭოს, საქართველოს პარლამენტის, იუსტიციის სამინისტროს, არასამთავრობო და საერთაშორისო ორგანიზაციების, უნივერსიტეტების წარმომადგენლები, ევროპის ქვეყნების ადვოკატთა ასოციაციების დელეგაციები. აღნიშნულ კონფერენციას ექსპერტების სტატუსით ეწვივნენ: ევროპის ადვოკატთა ასოციაციების და სამართლის საბჭოს (CCBE) პრეზიდენტი მარია სლაზაკი, ევროპის საბჭოს ოფისის ხელმძღვანელი საქართველოში კრისტიან ურსე, ევროკავშირის დელეგაციიდან ბ-ნი შტეფან შტორკი და USAID-ის კანონის უზენაესობის მხარდაჭერა საქართველოში პროექტის ხელმძღვანელი ბ-ნი ჰერბერტ ბოუმანი. კონფერენციის მონაწილეებს მიესალმა საქართველოს პრეზიდენტი გიორგი მარგველაშვილი, მან „ღირსების ორდენით“ ასოციაციის თავმჯდომარე ზაზა ხატიაშვილი დააჯილდოვა. კონფერენციის მონაწილეებმა განიხილეს აქტუალური თემები ადვოკატების პროფესიული დაცვის ევროპულ და საერთაშორისო სტანდარტების შესახებ.
- საანგარიშო პერიოდში საქართველოს ადვოკატთა ასოციაციამ და გაერთიანებამ „ადვოკატები“ ურთიერთთანამშრომლობის მემორანდუმს მოაწერეს ხელი, რაც ხელს შეუწყობს საქართველოში ადვოკატთა კორპუსის გაძლიერებას, ადვოკატთა უფლებების დაცვას, ადვოკატების ინსტიტუციურ განვითარებასა და მათი კვალიფიკაციის ამაღლებას. მემორანდუმის ფარგლებში სამუშაო ჯგუფების შექმნა, თემატური შეხვედრების და კონფერენციების ორგანიზება იგეგმება.
- 17 ნოემბერს სასტუმროში „ვერე პალასი“ საქართველოს ადვოკატთა ასოციაციის, სომხეთისა და გერმანიის ფედერალურ ადვოკატთა პალატებს შორის გამოცდილების გასაზიარებლად მრგვალი მაგიდა გაიმართა. შეხვედრა გახსნეს და პრობლემურ საკითხებზე პრეზენტაციები წარმოადგინეს, გერმანიის ადვოკატთა ფედერალური პალატის ვიცე-პრეზიდენტმა, დოქტორმა ჰანს-ულრიჰ ვესელსმა, საქართველოს ადვოკატთა ასოციაციის თავმჯდომარე ზაზა ხატიაშვილმა, სამხრეთ კავკასიის პროექტების ხელმძღვანელმა (IRZ) ტერეზა ტალჰამერმა, გერმანიის ადვოკატთა ფედერალური პალატის დირექტორმა ვერონიკა ჰორერმა. მრგვალი მაგიდის ფორმატში ადვოკატებმა იმსჯელეს: ადვოკატურის თვითმმართველობა გერმანიაში – გერმანიის ადვოკატთა ფედერალური პალატისა და საერთო კრების ორგანიზაციული მოწყობა და ფუნქციები, ადვოკატურის თვითმმართველობა გერმანიაში – ადვოკატთა რეგიონალური პალატების მოწყობა და ფუნქციები, ადვოკატთა დისციპლინური პასუხისმგებლობა, საქართველოს ადვოკატთა ასოციაციის ამოსავალი მდგომარეობა და სამართლებრივი ჩარჩო-პირობები, ადვოკატურის სიტუაცია და აქტუალური გამოწვევები, სომხეთის ადვოკატთა პალატის ამოსავალი მდგომარეობა და სამართლებრივი ჩარჩო-პირობები, ადვოკატურის სიტუაცია და აქტუალური გამოწვევები.

- აღმასრულებელი საბჭოს წევრების აქტიურობით და უშუალო ჩართულობით “ადვოკატთა შესახებ” კანონში ცვლილებებზე მომუშავე ჯგუფში, მიმდინარეობდა ინტენსიური მუშაობა კანონის ხარვეზების აღმოფხვრის და ცვლილებების შემუშავების მიზნით. 4-5 დეკემბერს ამერიკის საერთაშორისო განვითარების სააგენტოს (USAID) პროექტის კანონის უზენაესობის მხარდაჭერა საქართველოში (PROLOG) და ევროკავშირის და ევროსაბჭოს ერთობლივი პროექტის „საქართველოს ადვოკატთა ასოციაციის მხარდაჭერა“ ფინანსური მხარდაჭერით საქართველოს კანონში „ადვოკატთა შესახებ“ ცვლილებებზე მომუშავე ჯგუფის შეხვედრა გაიმართა. ადვოკატთა ასოციაციის თავმჯდომარე ზაზა ხატიაშვილმა და სამუშაო ჯგუფის წევრებმა იმსჯელეს საქართველოს კანონის „ადვოკატთა შესახებ“ ზოგადი დებულებების, ადვოკატის ზოგადი უფლებების და მოვალეობების, ადვოკატის, ადვოკატის სტაჟიორის, ადვოკატის თანაშემწის, საადვოკატო საქმიანობის ორგანიზების, ადვოკატთა ასოციაციის სტრუქტურის, ადვოკატის პასუხისმგებლობის საკითხების, ადვოკატის სამართლებრივი დაცვის შესახებ. საქართველოს ადვოკატთა ასოციაციის ეთიკის კომისიის თავმჯდომარე ციცილო ცხვედიანმა წარმოადგინა ეთიკის კომისიის რეკომენდაციები კანონში ცვლილებებთან დაკავშირებით. სამუშაო ჯგუფი მუშაობის ფინალურ ეტაპზეა და საკანონმდებლო ორგანოში ცვლილებების პაკეტის წარდგენა უახლოეს მომავალში იგეგმება.
- ადვოკატთა განათლების, როგორც, ასოციაციის სტრატეგიული განვითარების გეგმის ერთ-ერთი კომპონენტის შესაბამისად, აღმასრულებელი საბჭოს მიერ 2015 წლის 12 ოქტომბერს მიღებულ იქნა გადაწყვეტილება ადვოკატთა ასოციაციისთვის საოფისე ფართის შეძენის თაობაზე (მდებარე, ქ. თბილისი, ძმ. ზუბალაშვილების ქ 33, აღ. ჭავჭავაძის 8, ბინა #16, 112 კვ.მ), რომელიც, შესაბამისი ტექნიკური და საოფისე ინვენტარით აღჭურვის შემდეგ, იქნება დამატებითი კომფორტული სივრცე ასოციაციის წევრებისთვის სხვადასხვა ფართომასშტაბიანი ღონისძიებების ჩასატარებლად.

2) ადვოკატთა ასოციაციის თავმჯდომარე

საანგარიშო პერიოდში ასოციაციის თავმჯდომარის მიერ წარმატებით განხორციელდა საერთაშორისო ვიზიტები (29-30 მაისი- პოლონეთი, 12-14 თებერვალი- ვენა, 9 სექტემბერი- სტრასბურგი, 17-18 სექტემბერი- ბერლინი), სადაც, მის მიერ გაჟღერებულ იქნა ინსტიტუციური დაცვის პრობლემური საკითხები, იურიდიულ პროფესიაში არსებული გამოწვევები; ხაზი გაესვა ადვოკატთა ინსტიტუციონალური დევნის ფაქტებს, ამ მხრივ აღსანიშნავია უპრეცედენტო საერთაშორისო მხარდაჭერა; აქცენტი გაკეთდა განგრძობადი იურიდიული განათლების პროგრამის ფარგლებში ადვოკატთა კვალიფიკაციის ამაღლების და მაღალი პროფესიული სტანდარტის შენარჩუნებისთვის ასოციაციის მიერ განხორციელებული აქტივობების მნიშვნელობაზე, და აისახა სამომავლო თანამშრომლობის გეგმები. აღნიშნული საკითხები აქტიურად იქნა გახმოვანებული მრავალ ადგილობრივ შეხვედრაზეც, რომლებიც წლის განმავლობაში გაიმართა მართლმსაჯულების სფეროს სხვადასხვა წარმომადგენლებთან.

- საანგარიშო პერიოდში ჩატარდა ასოციაციის თავმჯდომარის 18 პრესკონფერენცია, რომელიც ეხებოდა ადვოკატის უფლებების დაცვას, ადვოკატთა კორპუსის გაძლიერებას, ადვოკატის საქმიანობაში ხელისშემშლელი გარემოებების ხელოვნურად შექმნილი ფაქტების გამოვლენას, ადვოკატთა ეთიკის საკითხებს, მართლმსაჯულების დაბალ ხარისხს, ადვოკატის კლიენტის სამართლებრივ დაცვას.
- ბეჭდური და ელექტრონული მედიით გავრცელდა ადვოკატთა ასოციაციის თავმჯდომარის 20 ინტერვიუ შემდეგ თემებზე: ადამიანის უფლებების შელახვა, სასამართლო სისტემის რეფორმის აუცილებლობა, ადვოკატთა მიმართ განხორციელებული ზეწოლა და შესაძლო გაყალბები, მართლმსაჯულების სისტემაში რეფორმის გატარების აუცილებლობას, სისხლის სამართლის საპროცესო კოდექსის ხარვეზებს, ადვოკატთა პროფესიული საქმიანობის ხელშეწყობა და უფლებების დაცვას, ადამიანის უფლებების შელახვის ფაქტები და არაადამიანურ მოპყრობა.
- მომზადდა მიმართვები ადვოკატებისადმი, საერთაშორისო ორგანიზაციებისადმი და საქართველოს მთავრობისადმი. პრესსამსახურის ორგანიზებით თავმჯდომარე გააკეთა წერილობითი რეაგირება ადვოკატის პროფესიის შელახვის ფაქტების შესახებ, პრესის თავისუფლების, ადამიანის უფლებების შელახვის, იმ საკანონმდებლო ხარვეზების შესახებ რაც ხელს უშლის ადვოკატის პროფესიულ საქმიანობას. ადვოკატთა ასოციაციის თავმჯდომარე რეგულარულად ეხმაურება ქვეყანაში მიმდინარე სამართლებრივ პროცესებს. საანგარიშო პერიოდში მომზადებულია 21 მიმართვა.
- შეიქმნა ასოციაციაში რეგისტრირებული იურიდიული ფირმების ელექტრონული კატალოგი. საანგარიშო პერიოდში ელექტრონულ კატალოგში დარეგისტრირდა 63 იურიდიული ბიური და ფირმა.
- ადვოკატთა ასოციაციის ინსტიტუციურ განვითარებაში და ძლიერ ორგანიზაციად ჩამოყალიბებაში. თითოეული წევრის უფრო აქტიურად ჩართვის მიზნად ვებ-გვერდს www.gba.ge დაემატა ახალი ფუნქცია „იდების ყუთი“, რომლის მეშვეობით ადვოკატებს აქვთ შესაძლებლობა ასოციაციას მიაწოდონ რეკომენდაციები, წინადადებები და კრეატიული იდეები. საანგარიშო პერიოდში ადმინისტრაციაში შემოვიდა ასამდე წერილი, ყველა მათგანი იყო განხილული, შესწავლილი, უმეტესობა მოწონებული და განხორციელებული.

ასოციაციაში გაწევრიანებულ პირთა სტატისტიკა 2015 წლის 31 დეკემბრის მდგომარეობით

- მოქმედ ადვოკატთა რაოდენობამ შეადგინა **3853** წევრი;
- თბილისში და რეგიონებში მოქმედი ადვოკატების სტატისტიკური მონაცემები:
- თბილისში რეგისტრირებულია 2654 ადვოკატი, რეგიონებში- 1199
- 2015 წელს ასოციაციაში გაწევრიანდა- 257 პირი
- სამოქალაქო სამართლის სპეციალიზაციით გაწევრიანდა - 126
- სისხლის სამართლის სპეციალიზაციით გაწევრიანდა - 58
- საერთო სპეციალიზაციით გაწევრიანდა - 83

3) ადვოკატთა უფლებების დაცვის კომისია

2015 წლის განმავლობაში საქართველოს ადვოკატთა ასოციაციის თავმჯდომარის მიერ, რომელიც ამავდროულად არის ადვოკატთა უფლებების დაცვის კომისიის თავმჯდომარე, განხორციელდა ინტენსიური ხასიათის ღონისძიებები, რომელიც მიმართული იყო ადვოკატთა უფლებების დარღვევის ფაქტებთან მიმართებაში მყისიერი რეაგირების განხორციელებისაკენ.

აღნიშნული მიმართულებით გატარებული იქნა შემდეგი ღონისძიებები:

ადვოკატთა უფლებების დარღვევის თითოეული ფაქტი შესწავლილი იქნა საქართველოს ადვოკატთა ასოციაციის თავმჯდომარის მიერ და განხორციელდა შესაბამისი სახის რეაგირება, კერძოდ:

- 2015 წლის 8 ნოემბერს იურიდიული დახმარების სამსახურის ადვოკატს გიორგი მდინარაძეს პოლიციის თანამშრომლებმა მიაყენეს ფიზიკური შეურაცხყოფა. შედეგად, ადვოკატს აღნიშნებოდა ფიზიკური დაზიანებები, რაც ასახულია იქნა მედია სივრცეში გავრცელებულ მასალაში. დაზიანებების დეტალური აღწერა ასევე გამოქვეყნებული იქნა სახალხო დამცველის ოფისის მიერ. როგორც თავად ადვოკატმა გიორგი მდინარაძემ განაცხადა ვაკე-საბურთალოს სამმართველოს პოლიციის მე-5 განყოფილების თანამშრომლებმა იგი პოლიციის უფროსის კაბინეტში სასტიკად სცემეს. მაშინ როდესაც, ადვოკატი ასრულებდა მასზე დაკისრებულ მოვალეობებს—იცავდა თავის დაცვის ქვეშ მყოფ არასრულწლოვანს, დუმილის უფლების გამოყენება ურჩია. ფაქტებით დასტურდება, რომ ადვოკატის ცემაში ასევე მონაწილეობდა პოლიციის უფროსი.
- საქართველოს ადვოკატთა ასოციაციის თავმჯდომარის ინიციატივით 2015 წლის 9 ნოემბერს გაიმართა შეხვედრა ადვოკატებსა და უფასო იურიდიული დახმარების სამსახურის წარმომადგენლებს შორის. მსჯელობის შედეგად გადაწყდა, რომ ზაზა ხატიაშვილის მიერ მთავრობისთვის სამოქმედოდ მიცემული 48 საათის გასვლის შემდეგ, შედგებოდა ადვოკატთა საგაფიცვო კომიტეტი, რომელსაც ზაზა ხატიაშვილი უხელმძღვანელებდა და დაიწყებოდა ადვოკატთა შიმშილობის აქციები. საქართველოს ადვოკატთა ასოციაციის თავმჯდომარის მთავარი მოთხოვნა აღნიშნულ რეზონანსულ საქმესთან დაკავშირებით მდგომარეობდა შემდეგში—ზაზა ხატიაშვილმა მოითხოვა დანაშაულის ჩამდენი პირები დასჯილიყვნენ შესაბამისი კვალიფიკაციის მიცემით.

- მოცემულ საქმესთან დაკავშირებით 2015 წლის 10 ნოემბერს საქართველოს ადვოკატთა ასოციაციის თავმჯდომარე ზაზა ხატიაშვილი და ადვოკატი გიორგი მდინარაძე ევროსაბჭოს ადამიანის უფლებათა დაცვის კომისიარს ნილს მუიჟნეკს შეხვდნენ. შეხვედრაზე ნილს მუიჟნეკსი დეტალურად გაეცნო ადვოკატ გიორგი მდინარაძის პოლიციის განყოფილებაში ცემის ფაქტს და განაცხადა, რომ ადვოკატის ფიზიკური შეურაცხყოფის შემთხვევის შესახებ საქართველოს მთავრობის წევრებთან იმსჯელებდა.
- 2015 წლის 12 ნოემბერს შედგა შეხვედრა საქართველოს მთავარი პროკურორის პირველი მოადგილე ირაკლი შოთაძე და თბილისის პროკურორი მიხეილ შაყულაშვილი ადვოკატ გიორგი მდინარაძეს, საქართველოს ადვოკატთა ასოციაციის თავმჯდომარეს ზაზა ხატიაშვილს და საქართველოს ადვოკატთა ასოციაციის საერთაშორისო მდივანს დავით ასათიანს შორის.
- შეხვედრის თემა ადვოკატ გიორგი მდინარაძის მიმართ პოლიციის განყოფილებაში განხორციელებული ძალადობის ფაქტი იყო. ირაკლი შოთაძემ და მიხეილ შაყულაშვილმა ადვოკატებს მიაწოდეს ინფორმაცია საქმეზე მიმდინარე საგამოძიებო მოქმედებების შესახებ. კერძოდ, ადვოკატ გიორგი მდინარაძის მიმართ განხორციელებული ძალადობის ფაქტზე, თბილისის პროკურატურაში პოლიციის ცალკეული თანაშრომლების მიმართ გამოძიების მიმდინარეობასთან დაკავშირებით. დანაშაული საქართველოს სისხლის სამართლის კოდექსის 333-ე მუხლის მესამე ნაწილით იქნა დაკვალიფიცირებული. დაკითხული იქნა დაზარალებული და სხვა პირები მათ შორის პოლიციის თანაშრომლები, დანიშნული იქნა ასევე ექსპერტიზები. მთავარ პროკურატურის წარმომადგებლებმა განაცხადეს, რომ გამოძიება სწრაფად და ეფექტურტად მიმდინარეობდა და დანაშაულში მონაწილე პირები კანონის მთელი სიმკაცრით დაისჯებოდნენ.
- 2015 წლის 12 ნოემბერს გიორგი მდინარაძის ცემის ფაქტთან დაკავშირებით შეხვედრა შედგა შინაგან საქმეთა მინისტრ გიორგი მღებრიშვილს, ადვოკატთა ასოციაციის თავმჯდომარე ზაზა ხატიაშვილს, ადვოკატთა ასოციაციის საერთაშორისო მდივანს დავით ასათიანს და ადვოკატ გიორგი მდინარაძეს შორის. შეხვედრაზე ვაკე-საბურთალოს პოლიციის განყოფილებაში ამა წლის 8 ნოემბერს მომხდარ შემთხვევაზე ისაუბრეს. გიორგი მღებრიშვილმა შემფეთება გამოთქვა მომხდარი ფაქტის გამო და ადვოკატებს აღუთქვა, რომ ყურადღებით მიადევნებს თვალს პროკურატურაში მიმდინარე გამოძიების პროცესს და თუ პოლიციელების მხრიდან კანონდარღვევის ფაქტები დადასტურდება, შინაგან საქმეთა სამინისტროს ექნება მყისიერი და ადეკვატური რეაგირება.
- საქართველოს პროკურატურის 2015 წლის 13 ნოემბრის ოფიციალური განცხადების თანახმად საქართველოს პროკურატურის მიერ ჩატარებული საგამოძიებო მოქმედებების შედეგად ადვოკატ გიორგი მდინარაძის მიმართ განხორციელებული ძალადობის ფაქტზე მიმდინარე გამოძიების ფარგლებში, სასამართლოს მიერ გაცემული განჩინების საფუძველზე, ბრალდებულის სახით დაკავებული იქნა შს სამინისტროს ვაკე-საბურთალოს სამმართველოს მე-5 განყოფილების უფროსი ლაშა კვიციანი, საქართველოს სსკ-ის 333-ე მუხლის მე-3 ნაწილის „ბ“ ქვეპუნქტით, რაც გულისხმობს სამსახურებრივი უფლებამოსილების გადამეტებას, ჩადენილს ძალადობით. ლ. კვიციანიას სასამართლომ შეუფარდა წინასწარი პატიმრობა 2 თვის ვადით.
- 2015 წლის 2 აპრილს ს.ს.ი.პ. „საქართველოს ადვოკატთა ასოციაციის“ თავმჯდომარეს განცხადებით მმომართა ადვოკატმა გიორგი მარიამიძემ. აღნიშნული განცხადებაში ასახული ინფორმაციის თანახმად ადვოკატ გიორგი მარიამიძის წარმოებაში არსებულ საქმესთან დაკავშირებით მის მიმართ მოქალაქე მკა შარვაძის მხრიდან განხორციელდა სიცოცხლის მოსპობის მუქარა. აღნიშნულ ფაქტთან დაკავშირებით საქართველოს ადვოკატთა ასოციაციის თავმჯდომარემ მიმართა ქ.

თბილისის პროკურორს-მიხეილ შაყულაშვილს შესაბამისი რეაგირების განხორციელების მოთხოვნით, ეფექტური გამოძიების ჩატარების, სავარაუდო კანონდარღვევის ჩამდენი პირთა გამოვლენის მიზნით, მათ მიმართ სისხლის სამართლებრივი დევნის დაწყების და იმ პირთა კანონის სრული სიმკაცრით დასჯის მიზნით, რომლებმაც მონაწილეობა მიიღეს ადვოკატ გიორგი მარიამიძის პროფესიული საქმიანობაში მიუღებელი ჩარევისა და მის მიმართ სიცოცხლის მოსპობის მუქარის განხორციელებაში. ზაზა ხატიაშვილმა ასევე მიმართა ქ. თბილისის პროკურორს შუამდგომლობით უზრუნველყოფილი ყოფილიყო სახელმწიფოს მიერ ადვოკატ გიორგი მარიამიძის უსაფრთხოების დაცვა, სათანადო ღონისძიებათა გატარების გზით.

- 2015 წლის 20 მაისს საქართველოს ადვოკატთა ასოციაციის თავმჯდომარემ განახორციელება შესაბამისი სახის რეაგირება ადვოკატ ფრიდონ სიხუაშვილის 2015 წლის 14 მაისს, ბოლნისის რაიონული სამმართველოს გამომძიებლის მიერ ადვოკატის მოწმის სახით დასაკითხად დაბარების ფაქტთან დაკავშირებით, იმ გარემოებების თაობაზე, რომელიც ადვოკატისათვის საადვოკატო საქმიანობის განხორციელების პროცესში გახდა ცნობილი. მოცემულ საქმეზე ზაზა ხატიაშვილმა მიმართა ბოლნისის რაიონის პროკურორს დავით კოჭლამაზაშვილს. საქართველოს ადვოკატთა ასოციაციის თავმჯდომარის მიერ განხორციელებული მიმართვის ფარგლებში სამართალდამცავი სტრუქტურებს განემარტა, რომ ადვოკატის მოწმის სახით დასაკითხად დაბარება, იმ საქმეზე, რა საქმეზეც ადვოკატი ახორციელებდა საადვოკატო უფლებამოსილებას წარმოადგენს ადვოკატის საქმიანობის პროცესში უხეშ და არასათანადო ჩარევას. ზაზა ხატიაშვილის მხრიდან განხორციელებული შესაბამისი რეაგირების შედეგად ადვოკატი მოწმის სახით არ იქნა დაკითხული.
- 2015 წლის 22 მაისს საქართველოს ფინანსურმა პოლიციამ მოწმის სახით დაკითხვაზე დაიბარა ადვოკატთა ასოციაციის აღმასრულებელი საბჭოს წევრი როინ მიგრიაული, ადვოკატი როინ მიგრიაული დაიბარეს მოწმის სახით დასაკითხად იმ გარემოებებთან დაკავშირებით, რომელიც ადვოკატისთვის საადვოკატო მომსახურების განხორციელების პროცესში გახდა ცნობილი, მიუხედავად იმისა, რომ ადვოკატმა განუმარტა გამომძიებელს, რომ საქართველოს სისხლის სამართლის საპროცესო კოდექსის 50-ე მუხლის 1-ლი ნაწილის შესაბამისად, ადვოკატს არ ეკისრება მოწმის ვალდებულება იმ გარემოებებთან დაკავშირებით, რომელიც ადვოკატისთვის ცნობილი გახდა საადვოკატო საქმიანობის განხორციელების პროცესში. აღნიშნულ ფაქტთან დაკავშირებით ზაზა ხატიაშვილმა საჯაროდ მიმართა საქართველოს პარლამენტის თავმჯდომარეს, იმ მიზნით, რომ სასწრაფოდ განხორციელებულიყო რეაგირება ადვოკატების მოწმედ დაბარების ფაქტებთან დაკავშირებით იმ საქმეებზე, რა დროსაც ადვოკატები პროფესიულ საქმიანობას ახორციელებდნენ. აღსანიშნავია, რომ დღეის მდგომარეობით გრძელდება სამართალდამცავი ორგანოების მიერ კანონის მოთხოვნათა დარღვევით ადვოკატთა იძულება მათი დაცვის ქვეშ მყოფი პირების საწინააღმდეგოდ ჩვენებების მიცემა, რაც წარმოადგენს „ადვოკატის როლის შესახებ“ გაერო-ს ძირითადი პრინციპების მე-16 მუხლის დაღვევას, რომლის თანახმად, სახელმწიფოს ეკისრება პოზიტიური ვალდებულება უზრუნველყოს ადვოკატების მიერ თავიანთი პროფესიული ფუნქციების შესრულება დაშინების, დაბრკოლების, ღირსების შელახვის და არასათანადო ჩარევის გარეშე. ყოველივე ზემოთაღნიშნული ცყადყოფს, რომ ადვოკატ როინ მიგრიაულის დაბარება მოწმის სახით დასაკითხად, იმ საქმეზე, რა საქმეზეც ადვოკატი საადვოკატო უფლებამოსილებას ახორციელებდა, ფინანსური პოლიციის მხრიდან, ადვოკატის საქმიანობის პროცესში არასათანადო ჩარევას წარმოადგენს.
- 2015 წლის 20 ივნისს საქართველოს ადვოკატთა ასოციაციის წევრი ადვოკატი ბესარიონ ბოჭორიშვილი, მის მიერ 2015 წლის 14 მაისს საქართველოს მთავარ პროკურატურაში შეტანილი

განცხადებასთან დაკავშირებით, მოწმის სახით დაკითხვის მიზნით დაბარებული იქნა ქ. ახალციხის სამცხე –ჯავახეთის საოლქო პროკურატურაში იმ გარემოებებთან დაკავშირებით, რომელიც ადვოკატისთვის ცნობილი გახდა საადვოკატო საქმიანობის განხორციელების პროცესში. საქართველოს მოქმედი კანონმდებლობით და საერთაშორისო სტანდარდებით დადგენილი მოთხოვნების დარღვევის ფაქტთან დაკავშირებით ზაზა ხატიაშვილმა მიმართა საქართველოს მთავარ პროკურორს და ევროპის ადვოკატთა ასოციაციების და სამართლის საზოგადოებების საბჭოს (CCBE) პრეზიდენტს მარია სლაზაკს, ადვოკატის, მისი დაცვის ქვეშ მყოფი პირთან გაიგივების, მისი დაკითხვის საადვოკატო უფლებამოსილების განხორციელების დროს დაუშვებლობის თაობაზე, რაც წარმოადგენს საადვოკატო საქმიანობისათვის ხელის შეშლის ფაქტს. მიმართვის ფარგლებში ზაზა ხატიაშვილმა მოითხოვა სამცხე–ჯავახეთის საოლქო პროკურატურის თანამშრომელთა მიმართ სისხლის სამართლებრივი დევნის დაწყება იმ დანაშაულის ჩადენის ფაქტთან დაკავშირებით, რომელიც გათვალისწინებულია სსკ–ს 333-ე მუხლის 1 ნაწილით, სსკ–ს 50 მუხლის უხეში დარღვევის ფაქტზე. ზაზა ხატიაშვილის მხრიდან განხორციელებული შესაბამისი რეაგირების შედეგად ადვოკატი მოწმის სახით არ იქნა დაკითხული.

- 2015 წლის 24 ივნისს საქართველოს ადვოკატთა ასოციაციის თავმჯდომარეს განცხადებით მიმართა ადვოკატმა მერი ცინარიძემ. წარმოდგენილი განცხადებიდან ირკვევა, რომ, 2015 წლის 19 ივნისს ადვოკატი მასზე დაკისრებული პროფესიული მოვალეობების შესრულების მიზნით იმყოფებოდა ქობულეთის რაიონული სამმართველოს ადმინისტრაციულ შენობაში, სადაც მას სიტყვიერი შეურაცხყოფა მიაყენა ქობულეთის რაიონული სამმართველოს უბნის ინსპექტორ–გამომძიებელმა. 2015 წლის ივლისის თვეში ზაზა ხატიაშვილმა ოფიციალურად მიმართა საქართველოს მთავარ პროკურორს ადვოკატის მიმართ სამართალდამცავი ორგანოების თანამშრომელთა მხრიდან განხორციელებული მუქარის და შეურაცხყოფის განხორციელების ფაქტთან დაკავშირებით ეფექტური გამოძიების ჩატარების, სისხლის სამართლებრივი დევნის დაწყების თაობაზე, სსკ–ს 333 მუხლის 1 ნაწილით გათვალისწინებული დანაშაულის ჩადენის ფაქტთან დაკავშირებით.
- 2015 წელს სამართალდამცავი ორგანოების მიერ ადვოკატი ონისე მარგიანი დაბარებული იქნა მოწმის სახით დაკითხვის მიზნით, რის თაობაზეც 2015 წლის 28 აპრილს საქართველოს ადვოკატთა ასოციაციის თავმჯდომარემ მიმართა მთავარ პროკურორს და მოითხოვა აღნიშნულ ფაქტთან დაკავშირებით შესაბამისი სახის რეაგირების განხორციელება. ზაზა ხატიაშვილის მხრიდან განხორციელებული შესაბამისი რეაგირების შედეგად ადვოკატი მოწმის სახით არ იქნა დაკითხული.
- 2015 წლის 23 აპრილს საქართველოს ადვოკატთა ასოციაციის თავმჯდომარემ კვლავ მიმართა საქართველოს მთავარ პროკურორს ადვოკატ რომეო საჯაიას, ირაკლი ზაქარეიშვილის, ნონა კირთაძის, ნუგზარ სამარჯიშვილის, გიორგი მარიამიძის დევნის ფაქტებთან დაკავშირებით ეფექტური გამოძიების ჩატარებისა და დანაშაულის ჩამდენი პირების მიმართ სისხლის სამართლებრივი დევნის დაწყების თაობაზე.
- 2015 წლის 5 ივნისს ზაზა ხატიაშვილმა მიმართა საქართველოს მთავარ პროკურორს ადვოკატ მამუკა ნოზაძის ინსტიტუციონალური დევნის ფაქტთან დაკავშირებით შესაბამისი რეაგირების განხორციელების მოთხოვნით.
- 2015 წლის ივლისის თვეში საქართველოს ადვოკატთა ასოციაციის თავმჯდომარემ საქართველოს მთავარ პროკურორს მიმართა ადვოკატ დიანა მარტიაშვილის მიმართ განხორციელებული დევნის ფაქტთან დაკავშირებით შესაბამისი რეაგირების განხორციელების მიზნით.

- 2015 წელს ადვოკატი მზია თომაშვილი მიცემულ იქნა პასუხისგებაში ბრალდებულის სტატუსით, რის თაობაზეც ეცნობა ევროპის ადვოკატთა ასოციაციის და სამართლის საბჭოს CCBE-ს პრეზიდენტს. აღსანიშნავია, რომ მზია თომაშვილის საქმესთან დაკავშირებული ყველა სასამართლო პროცესს პირადად ესწრებოდა საქართველოს ადვოკატთა ასოციაციის თავმჯდომარე ზაზა ხატიაშვილი. სასამართლომ მზია თომაშვილის მიმართ გამოიტანა გამამართლებელი განაჩენი.
- ადვოკატებთან მიმართებაში განხორციელებული მასობრივი უფლებების დარღვევებთან დაკავშირებით 2015 წელს საქართველოს ადვოკატთა ასოციაციის თავმჯდომარემ ადვოკატთა უფლებების დაცვის მიზნით, მიმართა საერთაშორისო ორგანიზაციებს, საქართველოს იუსტიციის მინისტრს, საქართველოს პარლამენტის თავმჯდომარესა და საქართველოს პარლამენტის ადამიანის უფლებათა დაცვის და სამოქალაქო ინტეგრაციის კომიტეტის თავმჯდომარეს.
- საქართველოს პარლამენტის ადამიანის უფლებათა დაცვისა და სამოქალაქო ინტეგრაციის კომიტეტის თავმჯდომარეს ეთხოვა საქართველოში ადვოკატთა უფლებების დარღვევისა და დევნის ფაქტებთან დაკავშირებით საპარლამენტო, დროებითი საგამომიებო კომისიის შექმნა. ზაზა ხატიაშვილის მიერ შემფოთება გამოხატული იქნა ადვოკატთა საგამომიებო ორგანოებში დაკითხვის მიზნით მასობრივი დაბარების ფაქტთან დაკავშირებით, იმ საქმეებთან მიმართებაში, რომელშიც ადვოკატები ჩართულნი იყვნენ წარმომადგენლის სტატუსით, მიუხედავად მოქმედი კანონმდებლობისა, რომლის თანახმად არ შეიძლება ადვოკატი დაიკითხოს იმ საქმეზე, რომელშიც იგი მონაწილეობდა, როგორც დამცველი ან წარმომადგენელი.
- აღსანიშნავია ის ფაქტი, რომ საქართველოში ადვოკატთა დევნის გახშირებული შემთხვევებს გამოხმაურება მოჰყვა საერთაშორისო დონაზეც, კერძოდ 2015 წლის 22 მაისს ევროპის ადვოკატთა ასოციაციის და სამართლის საბჭოს CCBE პრეზიდენტმა მარია სლაზაკმა ოფიციალურად მიმართა საერთაშორისო ორგანიზაციებსა და წარმომადგენლობებს. მომართვაში CCBE პრეზიდენტმა კვლავ გაუსვა ხაზი საქართველოში ადვოკატთა დევნის ფაქტებზე და ყურადღება გაამახვილა ადვოკატთა დევნის ახალ შემთხვევებზე, კერძოდ ადვოკატ ნუგზარ სამარჯიშვილის და მზია თომაშვილის საქმეებთან მიმართებაშიც.
- მიმართა გადაეგზავნა მეზობლობისა და გაფართოების მოლაპარაკებების გენერალური დირექტორს-ბატონ კრისტიან დანიელსონს, ევროგაერთიანების დელეგაციის ხელმძღვანელს საქართველოში ელჩს-იანოს ჰერმანს, ლატვიის პრემიერ მინისტრს, ევროსაბჭოს კომისარს ადამიანის უფლებათა დაცვის საკითხებში ნილს მიუჟნიეკს, იუსტიციისა და მომხმარებლების გენერალური დირექტორატის გენერალური დირექტორის მოვალეობის შემსრულებელს-ქალბატონ პარასკევი მიშუს, ევროკავშირის-სომხეთის, ევროკავშირის-აზერბაიჯანისა და ევროკავშირი-საქართველოს საპარლამენტო თანამშრომლობის კომიტეტების დელეგაციის თავმჯდომარეს, ევროპარლამენტი, მეზობლობისა და გაფართოების მოლაპარაკებების გენერალური დირექტორს აღმოსავლეთის მეზობლობა- გერჰარდ შუმან-ჰიტზლერს, ჰერბერტ ზალბერს, ევროკავშირის საგანგებო წარმომადგენელი სამხრეთ კავკასიაში და საქართველოს კრიზის საკითხებში, ფრედერიკა მოგერინს –ევროკავშირის უმაღლეს წარმომადგენელს საგარეო ურთიერთობათა და უსაფრთხოების პოლიტიკის საკითხებში.
- CCBE-მ შემფოთება გამოთქვა შემდეგ საქმეებთან დაკავშირებით, რომელშიც ადვოკატების დევნის ფაქტებია ასახული, კერძოდ ადვოკატი რომეო საჯაიას, ადვოკატი ნონა კირთაძის, ადვოკატი დიმიტრი გაბუნიას, ადვოკატი გოგა ონიანის, ადვოკატი ირაკლი ზაქარეიშვილის, ადვოკატი ნუგზარ სამარჯიშვილის, ადვოკატი მზია თომაშვილის საქმეები. ზემოთხსენებულ წერილებში

ევროპის ადვოკატთა ასოციაციის და სამართლის საბჭოს CCBE პრეზიდენტმა საერთაშორისო თანამეგობრობას მიმართა თხოვნით, რათა ამ უკანასკნელებს მიემართათ საქართველოს სახელმწიფო ორგანოებისადმი და მოეთხოვათ ინფორმაციის წარმოდგენა, ადვოკატთა დევნის საქმეებთან დაკავშირებით. CCBE ასევე მოითხოვა გატარებულ იქნას ყველა აუცილებელი ზომა იმ მიზნით, რომ მომავალში, თავიდან იქნეს აცილებული ადვოკატთა წინააღმდეგ ძალადობა და უზრუნველყოფილი იქნას ქართველი ადვოკატების შესაძლებლობა, საკუთარი პროფესიული უფლება-მოვალეობები განახორციელონ ყოველგვარი დაშინების, ხელშეშლის, დევნის ან არასათანადო ჩარევის გარეშე.

- ნიშანდობლივია, რომ 2014 წელს, CCBE-მ ორი წერილი გაუგზავნა საქართველოს პრეზიდენტს, საქართველოს პრემიერ მინისტრსა და საქართველოს პარლამენტის თავმჯდომარეს, რომლებშიც საბჭო გამოთქვამდა სერიოზულ შეშფოთებას იმ საქმეების თაობაზე, რომლებშიც ადგილი ჰქონდა ადვოკატებზე ძალადობას, მათ დაშინებას, პროფესიულ დაბრკოლებასა და დევნას, საქართველოს სახელმწიფო თანამდებობის პირების მიერ, საკუთარი კლიენტებისათვის, იურიდიული მომსახურებების გაწევის განმავლობაში. ზემოთხსენებულ წერილებში, CCBE-მ საქართველოს სახელმწიფო ორგანოებს მოსთხოვა ყველა ზემოთ ჩამოთვლილი საქმეების გამოძიება და ადვოკატთა წინააღმდეგ, დევნასა და ძალადობაში დამნაშავეების დასჯა. ზემოაღნიშნულის დამატებით, CCBE-მ საქართველოს სახელმწიფო ორგანოებს მიმართა თხოვნით, მიეღოთ ყველა აუცილებელი ზომა იმისათვის, რომ მომავალში, თავიდან ყოფილიყო აცილებული ყოველგვარი დევნა ადვოკატთა წინააღმდეგ და უზრუნველყოფილი ყოფილიყო ქართველი ადვოკატების შესაძლებლობა, თავისუფლად, ყოველგვარი დაშინების გარეშე, განხორციელებინათ მათზე დაკისრებული თითოეული პროფესიული მოვალეობა, დაშინების, დაბრკოლების, დევნის ან არასათანადო ჩარევის გარეშე, სახელმწიფოების ვალდებულებების შესაბამისად. აღსანიშნავია ის გარემოებაც, რომ შეუძლებელია ანგარიშში ასახულ იქნას ყველა ის ვიზიტები და შეხვედრები, რაც ადვოკატთა ასოციაციის თავმჯდომარემ გაატარა ადვოკატთა უფლებების დაცვის კუთხით. 2015 წელს თავმჯდომარემ მოახერხა მრავალი შეხვედრის ჩატარება, რომლის ძირითადი მიზანი გახლდათ მოთხოვნა, მიღებულ ყოფილიყო შესაბამისი ზომები რათა აღარ მომხდარიყო ზეწოლა და დევნა ადვოკატთა კორპუსზე.

4) სისხლის სამართლის კომიტეტი

2014 წლის 10 თებერვალს საქართველოს ადვოკატთა ასოციაციის აღმასრულებელი საბჭოს გადაწყვეტილების საფუძველზე სისხლის სამართლის კომიტეტის დებულებაში შევიდა რიგი ცვლილებები, კერძოდ კომიტეტის წევრთა რაოდენობა 12-დან 15-მდე გაიზარდა, რომელთაგან არაუმეტეს 3 წევრის შერჩევას ახორციელებს კომიტეტის თავმჯდომარე აღმასრულებელი საბჭოს წევრთაგან, მისი უფლებამოსილების ვადით, ხოლო 11 წევრს ადვოკატთა ასოციაციის წევრთაგან კომიტეტის თავმჯდომარე შეარჩევს ღია კონკურსის წესით. ამავდროულად წევრთა უფლებამოსილების ვადა 1 წლიდან 2 წლამდე ვადით გაიზარდა. ცვლილებები შეეხო აგრეთვე კომიტეტის სხდომათა გამართვის სიხშირესა და სხდომის დღის წესრიგში ცვლილებათა შეტანის წესს, არსებული რეგულაციის თანახმად სისხლის სამართლის კომიტეტის სხდომები იმართება თვეში ერთხელ, ხოლო კომიტეტის თავმჯდომარე, აგრეთვე, კომიტეტის შემადგენლობის 1/3 უფლებამოსილია დააყენოს წინადადება სხდომის დღის წესრიგში ცვლილებებისა და დამატებების შეტანის შესახებ წინადადებას სხდომის დაწყებამდე. დებულების ახალი რედაქციის მიხედვით კომიტეტის სხდომაზე, დამსწრე წევრთა ან წევრის მოთხოვნით დგება ოქმი, რომლსაც ადგენს კოორდინატორი.

საქართველოს ადვოკატთა ასოციაციის სისხლის სამართლის კომიტეტის წევრთა არჩევნები ჩატარებული იქნა 2014 წლის მარტში და კომიტეტის წევრებად, ღია კონკურსის გზით არჩეული იქნენ შემდეგი ადვოკატები: ზურაბ როსტიაშვილი თავმჯდომარე, დათუნა მოდებაძე (თანათავმჯდომარე), გიორგი თევზაძე (თანათავმჯდომარე), ირმა ჭკადუა (თანათავმჯდომარე), ჩოფიკაშვილი არჩილი, სადრაძე თამარი, მსხილაძე ლილი, ქარცივაძე ბესიკი, ჩინჩალაძე რამაზი, ჩხაიძე ელგუჯა, ჩიქოვანი მერაბი, გოლუბიანი ლაშა, მოსიაშვილი გაგი, ჩივაძე გელა.

სისხლის სამართლის კომიტეტის საქმიანობის ძირითად მიმართულებას წარმოადგენს სისხლის სამართლის კანონმდებლობაში არსებული პრობლემების შესწავლა და სათანადო რეკომენდაციების შემუშავება, სახელმწიფოში სისხლის სამართლის სფეროში არსებული მდგომარეობის კვლევა შემდგომი შეფასების მიზნით, ისევე, როგორც სისხლის სამართლის სფეროში სასამართლო და საგამომიებო პრაქტიკაში არსებული ხარვეზების შესწავლა-გამოვლენა და არსებული მდგომარეობის ანალიზი, კომიტეტში შემავალი კომისიების მიერ შესაბამისი დასკვნებისა და სისხლის სამართლის სფეროში მოღვაწე ადვოკატების ნამუშევრების ყოველწლიური კრებულის გამოსაცემად მასალების მომზადება, შესაბამისი მიმართვების, წერილების და სხვა დოკუმენტების მომზადება სახელმწიფო დაწესებულებებსა და საერთაშორისო ორგანიზაციებში წარსადგენად. გამომდინარე იქიდან, რომ არსებობს მთელი რიგი პრობლემებისა, რომლებიც დღეისათვის არსებობს სისხლის სამართალში როგორც საკანონმდებლო, ისე სასამართლო და საგამომიებო პრაქტიკის თვალსაზრისით, რომლებიც ცნობილია როგორც იურისტებისათვის, ისე ფართო საზოგადოებისათვის; სისხლის სამართლის კომიტეტის საქმიანობის ძირითადი საგანია იმ საკვანძო საკითხების განხილვა და შესაბამისი რეკომენდაციების მომზადება, რომლებიც ეხება სისხლის სამართლის პროცესში დაცვისა და ბრალდების მხარეთა თანასწორობის პრინციპის უზრუნველყოფას, ნაფიც მსაჯულთა სასამართლოს ფუნქციებსა და ამოცანებს, ადვოკატის ღონისძიების შერჩევის თაობაზე საპროცესო კანონმდებლობის შესაბამისობას ადამიანის უფლებათა ევროპულ კონვენციასთან და სხვა საერთაშორისო ნორმებთან, წინასასამართლო სხდომას და სასამართლოში საქმის არსებითი განხილვის თავისებურებებს. საქართველოს სისხლის სამართლის კოდექსით დადგენილი იმ ნორმების შესაბამისობა საერთაშორისო სტანდარტებთან, რომლებიც შეეხება სასჯელის დანიშვნის ზოგად საწყისებს, სასჯელის დანიშვნას დანაშაულთა და განაჩენთა ერთობლიობის

დროს, დანაშაულის ამსრულებლობას და დანაშაულში თანამონაწილეობას, სასჯელის შეჯამების წესს და ა.შ.

გამომდინარე ზემოთხსენებულიდან საქართველოს ადვოკატთა ასოციაციის სისხლის სამართლის საქმეთა კომიტეტში ჩამოყალიბდა შემდეგი კონკრეტული მიმართულებები:

სისხლის სამართლის კანონმდებლობაში არსებული პრობლემების შესწავლა, გაანალიზება და სათანადო რეკომენდაციების შემუშავება, რომლებიც წარდგენილი იქნება ხელისუფლების, საერთაშორისო ორგანიზაციებისა და ფართო საზოგადოების წინაშე. ამ ამოცანის შესასრულებლად კომიტეტის ფარგლებში შეიქმნა 2 სამუშაო ჯგუფი, რომელიც სისხლის სამართლის ზოგად ნაწილზე და სისხლის სამართლის საპროცესო კანონმდებლობაში არსებული პრობლემატური საკითხებზე მუშაობს.

- a) მოხსენებების წაკითხვა და დისკუსიების გამართვა სისხლის სამართლის მნიშვნელოვან საკითხებზე.
- b) სისხლის სამართლის სფეროში სასამართლო და საგამომიებო პრაქტიკის შესწავლა, რაც გამოიხატება კომიტეტისათვის წარდგენილი სისხლის სამართლის იმგვარი საქმეების შესწავლაში, რომლებიც წარმოადგენენ საზოგადოების დაინტერესების საგანს და გააჩნიათ მნიშვნელობა სასამართლო პრაქტიკის ჩამოყალიბებისა და ზოგადად სამართლის განვითარების თვალსაზრისით.
- c) დაგეგმილია სისხლის სამართლის საქმეებზე მომუშავე ადვოკატების საუკეთესო ნამუშევრების გამოქვეყნება ადვოკატთა ასოციაციის ჟურნალში და მათი გამოცემა.
- d) მონაწილეობის მიღება სისხლის სამართლის საპროცესო კოდექსში და სისხლის სამართლის კოდექსში შესატანი ცვლილებების შემმუშავებელ უწყებათაშორის საკოორდინაციო საბჭოს სამუშაო ჯგუფის მუშაობაში.

აღნიშნული ამოცანების შესასრულებლად სისხლის სამართლის კომიტეტის მიერ ჩატარებული იქნა შემდეგი სამუშაო:

- კომიტეტის მიერ მომზადებული იქნა ცვლილებათა პაკეტი სისხლის სამართლის და სისხლის სამართლის საპროცესო კოდექსებში შესაბამისი ცვლილებების შეტანის თაობაზე. აღნიშნულ ცვლილებებზე მუშაობა მიმდინარეობდა მ/წ განმავლობაში და გახდა ფართო მსჯელობის საგანი. კერძოდ კომიტეტის მიერ მომზადებულ იქნა მოსაზრებები და შენიშვნები 2015 წელს დაგეგმილი საკანონმდებლო ცვლილებების შესახებ. ცვლილებები ეხება ადამიანის წინააღმდეგ მიმართული დანაშაულის, ჯანმრთელობის წინააღმდეგ მიმართული დანაშაულის, სასჯელთა სახეებს, ადამიანის სიცოცხლისა და ჯანმრთელობისათვის საფრთხის შექმნას, სქესობრივი თავისუფლებისა და ხელშეუხებლობის წინააღმდეგ დანაშაულს, გამოხატვის თავისუფლების ხელყოფას, ეკონომიკურ დანაშაულებს, საზოგადოებრივი უშიშროებისა და წესრიგის წინააღმდეგ მიმართულ დანაშაულებს, ნარკოტიკულ დანაშაულს, კიბერდანაშაულს, სახელმწიფოს, საერთაშორისო და ეროვნული უშიშროების წინააღმდეგ მიმართულ დანაშაულებს, სასამართლო ხელისუფლების და სამართალწარმოების სხვა მონაწილეთა წინააღმდეგ მიმართულ დანაშაულს, სამხედრო სამსახურის წინააღმდეგ მიმართულ დანაშაულებს, კაცობრიობის წინააღმდეგ მიმართულ დანაშაულებს.
- საყურადღებოა, რომ ზოგიერთი მნიშვნელოვანი საკანონმდებლო ცვლილებების დაეთმო განსაკუთრებით დიდი დრო, კერძოდ ფართო მსჯელობის საგანი გახდა ნარკოტიკული დანაშაული, ჯარიმის ოდენობის განსაზღვრა, კანონით გათვალისწინებულზე უფრო მსუბუქი სასჯელის დანიშვნას, მხარეებს შორის საპროცესო შეთანხმების საკითხებს.

- ვინაიდან კომიტეტის ერთი წევრის ადგილი ჯერ კიდევ ვაკანტური იყო, 2015 წელს კომიტეტის ახალ წევრად ღია კონკურსის გზით არჩეულ იქნა ადვოკატი ადვოკატი ბელა ბაშარაძე, ხოლო კომიტეტის წევრობა შეუწყდა ქ-ნ ლილი მსხილაძეს, რომელიც მოსამართლის თანამდებობაზე იქნა გამწესებული.
- 2015 წლის მეორე ნახევრის განმავლობაში სისხლის სამართლის კომიტეტმა აქტიურად განაგრძო მუშაობა სისხლის სამართლის სფეროში არსებული ხარვეზების აღმოსაფხვრელად. მათ შორის ისეთი მნიშვნელოვანი საკითხისა, როგორცაა ადვოკატის უფლებებთან დაკავშირებული გარანტიები, რაც საერთაშორისო სტანდარტებით არის აღიარებული და განმტკიცებული.
- კომიტეტის წევრებმა წარადგინეს მთელი რიგი რეკომენდაციები, რომელიც სისხლის სამართლის საპროცესო კოდექსში ცვლილებების შეტანას ისახავდა მიზნად.
- მაგალითად, სისხლის სამართლის კომიტეტის წევრმა, სამართლის დოქტორმა ქ-მა თამარ სადრაძეს კომიტეტის წევრებს წარუდგინა საპროცესო კოდექსში განსახორციელებელი ცვლილებების პროექტი, რომელმაც კომიტეტის წევრთა უმრავლესობის მოწონება დაიმსახურა და არაერთი სხდომის განმავლობაში განხილვის შედეგად, კომიტეტმა შეიმუშავა საკანონმდებლო ცვლილებათა პროექტი, რომელიც ითვალისწინებს ისეთი საკანონმდებლო რეგულაციების შემოღებას, რაც ადვოკატისა და მისი დაცვის ქვეშ მყოფი პირის ურთიერთობის კონფიდენციალურის პრინციპს განამტკიცებს, შედეგად აიკრძალება ურთიერთობაზე ისეთი შეზღუდვის დაწესება, რომელიც ხელს შეუშლის დაცვის სათანადო განხორციელებას, ადვოკატსა და კლიენტს შორის ურთიერთობაში რაიმე სახით ჩარევას, მათი კომუნიკაციის შედეგად შედგენილი დოკუმენტის რაიმე ფორმით გაცნობას, როგორც სამართალდამცავ ორგანოებში, ისე სასჯელაღსრულების დაქვემდებარებაში შემავალ დაწესებულებებში.
- კონფიდენციალურობის პრინციპი ასევე შეეხება პირის ბრალდებულად ცნობამდე ურთიერთობას მის შესაძლო ადვოკატთან. კანონპროექტის თანახმად ბრალდებულსა და მსჯავრდებულს მიენიჭება უფლება შეუზღუდავი დროითა და რაოდენობით შეხვედეს ადვოკატს.
- წარმოდგენილი ცვლილებების თანახმად სსსკ-ს 84-ე მუხლი (დაცვის მხარის საგამონაკლისო უფლება) უნდა აღდგეს იგივე რედაქციით.
- ადვოკატის უფლება-მოვალეობები დეტალურად იქნა გაწერილი 44 -ე მუხლის ახალ რედაქციაში, რომელიც მთელ რიგ სიახლეებს ითვალისწინებს კერძოდ, საკანონმდებლო ცვლილება აყალიბებს, რომ ადვოკატი საადვოკატო საქმიანობას ახორციელებს დამოუკიდებლად და მასში ჩარევა დაუშვებელია, განმტკიცდა ის პრინციპი, რომ არ შეიძლება ადვოკატი დაიკითხოს მოქმედ ან გამოიკითხოს იმ საქმეზე, რომელშიც იგი მონაწილეობდა, როგორც ადვოკატი (დამცველი ან წარმომადგენელი), ან განახორციელა რჩევის მიცემა ან კონსულტაცია, ადვოკატს არ დაეკისრება პასუხისმგებლობა იმ განცხადებისათვის, რომელიც მან ზეპირად ან წერილობით წარუდგინა სასამართლოს ან ადმინისტრაციულ ორგანოს კლიენტის ინტერესებიდან გამომდინარე, კონფიდენციალურია ნებისმიერი ინფორმაცია, რომელიც ადვოკატმა მიიღო კლიენტისაგან ან იურიდიული რჩევის მიღების სხვა მსურველისაგან, ადვოკატსა და კლიენტს შორის წარმოებული საუბრის მიყურადება ან/და ჩაწერა დაუშვებელია, ხოლო მათ შორის მიმოწერა - ხელშეუხებელი, დაუშვებელია ადვოკატისა და მისი დაცვის ქვეშ მყოფი პირის ურთიერთობაში რაიმე ფორმით ჩარევა, მათი კომუნიკაციის შედეგად შედგენილი დოკუმენტის რაიმე ფორმით გაცნობა როგორც სამართალდამცავ ორგანოებში, ისე სასჯელაღსრულების დაქვემდებარებაში შემავალ

დაწესებულებებში , ადვოკატის მიმართ ფარული საგამოძიებო მოქმედების ჩატარება დაუშვებელია და ისჯება კანონით.

- წარმოდგენილი ნოვაციის თანახმად ადვოკატს მიენიჭება უფლება მონაწილეობა მიიღოს დაცვის მხარის შუამდგომლობით ჩატარებულ საგამოძიებო მოქმედებაში, დაუსვას შეკითხვები დასაკითხი პირს, მოითხოვოს ოქმში იმ მონაცემების შეტანა, რომლებიც უარყოფს ბრალდებას ან ამსუბუქებს ბრალდებულისა თუ მსჯავრდებულის პასუხისმგებლობას, ადვოკატს მიენიჭება უფლება მონაწილეობა მიიღოს ბრალდებულისათვის ბრალდების წაყენებაში და მის დაკითხვებში, ადვოკატს მიენიჭება უფლება შეკრიბოს დაცვისათვის საჭირო მონაცემები და ისინი მტკიცებულებათა სახით წარუდგინოს პროცესის მწარმოებელ ორგანოს, მოითხოვოს და დაუბრკოლებლად მიიღოს სახელმწიფო ან/და არასახელმწიფო ორგანოებიდან დოკუმენტი, ინფორმაცია თუ სხვა ნივთიერი მტკიცებულება ყველა სახელმწიფო ან/და არასახელმწიფო ორგანიზაცია ვალდებულია დაუყოვნებლივ დააკმაყოფილოს ადვოკატის მოცემული მოთხოვნა, გაასაჩივროს სასამართლოს განაჩენი და სხვა შემაჯამებელი სასამართლო გადაწყვეტილებანი.
- ხოლო ბრალდების მხარე ვალდებული იქნება საქმეში ადვოკატის ჩართვის შესახებ ინფორმაციის მიღებისთანავე, ადვოკატს შეუთანხმდეს გონივრულ ვადაზე საგამოძიებო ორგანოში გამოსაცხადებლად და ადვოკატის მისვლამდე დაუყოვნებლივ შეაჩეროს ადვოკატის დაცვის ქვეშ მყოფი პირის მიმართ წარმოებული საგამოძიებო და საპროცესო მოქმედება
- საკანონმდებლო ცვლილებების თანახმად დაუშვებელი გახდება ადვოკატის პირადი ჩხრეკა, მისი ბინის, სამუშაო ადგილის ან/და სატრანსპორტო საშუალების ჩხრეკა საქართველოს ადვოკატთა ასოციაციის თავმჯდომარის წინასწარი წერილობითი თანხმობის გარეშე.
- აღსანიშნავია, რომ სისხლის სამართლის კომიტეტის მიერ შემუშავებული რეკომენდაციების მომზადება მიმართული იყო სისხლის სამართლის პროცესში მხარეთა შეჯიბრობითობისა და თანასწორობის გაძლიერებისაკენ, სამართალწარმოების გაუმჯობესებისკენ .
- როგორც ზემოთ იქნა აღნიშნული კომიტეტის რეკომენდაციები ითვალისწინებს სსსკ-ში სპეციალური წესების შემუშავებას, რაც შექმნის გარანტიებს ადვოკატის ან საადვოკატო ოფისის მიმართ საგამოძიებო მოქმედების და სხვა საპროცესო მოქმედებების განხორციელებისას პროფესიული საიდუმლოების დაცვის უზრუნველსაყოფად, რაც გულისხმობს ადვოკატის/საადვოკატო ოფისის მიმართ ჩატარებული ჩვეულებრივი საგამოძიებო მოქმედებების შემთხვევაშიც, ფარული მოქმედებების მსგავსად დადგინდეს კონკრეტული, შემზღუდავი წესების დანერგვას.
- დაცვის მხარეს, ბრალდების მხარის მსგავსად მიეცემა უფლება სასამართლოს მეშვეობით გამოითხოვოს მტკიცებულება. ასეთი ცვლილება დაადგენს, რომ დაცვის მხარეს უნდა მიენიჭოს უფლება ბრალდების მხარის მსგავსად მოითხოვოს და დაუბრკოლებლად მიიღოს სახელმწიფო ორგანოებიდან დოკუმენტი თუ სხვა ნივთიერი მტკიცებულება, რომელიც ამოღების რეგულაციას არ ექვემდებარება.
- კომიტეტის მიერ შემუშავებული ცვლილებების თანახმად სსსკ-ს 111 მუხლის 1 ნაწილში და 120-ე მუხლის 10 ნაწილში რეკომენდებულია შევიდეს ცვლილება და დაცვის მხარის შუამდგომლობის საფუძველზე და სასამართლოს განაჩენით ჩატარებული საგამოძიებო მოქმედების შედეგად მოპოვებული მტკიცებულების პირველადი გამოკვლევის უფლება მიენიჭოს დაცვის მხარეს.

- ასევე, საგამომიებო მოქმედების უშუალოდ ჩატარების უფლება უნდა დაუბრუნდეს დაცვის მხარეს, როგორც ეს ხორციელდებოდა დათვალეირების შემთხვევაში 2014 წლის 1 სექტემბერს ძალაში შესულ ნოვაციამდე.
- აღსანიშნავია, რომ სისხლის სამართლის კომიტეტის რეკომენდაციებს შორის ადგილი ჰქონდა ადვოკატის დაცვის სისხლისსამართლებრივმა გარანტიებმაც, კერძოდ ცვლილებების მიხედვით სისხლის სამართლის კოდექსში შეტანილ უნდა იქნას ცვლილებებუ, რომლებიც ითვალისწინებენ დაცვის განხორციელებისთვის ხელის შეშლის ნაწილის დამატებას, საქმის ყოველმხრივი, სრული და ობიექტური გამოძიებისთვის ხელის შეშლის მიზნით ადვოკატის საქმიანობაში ამა თუ იმ ფორმით უკანონო ჩარევის საკითხს, ასევე გათვალისწინებული იქნება დაცვის განხორციელებასთან დაკავშირებით მუქარისა და ძალადობის განხორციელების შემთხვევებიც. ამავდროულად კომიტეტის მიერ წარმოდგენილი საკანონმდებლო ცვლილება ითვალისწინებს სსსკ-ს 120-ე მუხლის მე-10 ნაწილის მთლიანად კოდექსიდან ამოღებას.
- 2015 წელს სისხლის სამართლის კომიტეტის მიერ წარმოდგენილ იქნა რეკომენდაციები იუსტიციის სამინისტროს მიერ ინიცირებული არასრულწლოვანთა მართლმსაჯულების კოდექსის პროექტთან დაკავშირებითაც.
- სისხლის სამართლის სფეროში მრავლად არსებული, რთული პრობლემების შესწავლა და მათი გადაწყვეტის გზების მოძიება დღეისათვის კვლავაც წარმოადგენს საქართველოს ადვოკატთა ასოციაციის სისხლის სამართლის კომიტეტის მნიშვნელოვან ამოცანას, რის თაობაზეც დაგეგმილია მუშაობის გაგრძელება მომავალშიც.



5). ასოციაციის სასწავლო ცენტრი

საქართველოს ადვოკატთა ასოციაციის სასწავლო ცენტრი, როგორც საქართველოს ადვოკატთა ასოციაციის მმართველობის სფეროში მოქმედი ინსტიტუტი დაარსდა, 2009 წელს, საქართველოს კანონის ადვოკატთა შესახებ და ადვოკატთა ასოციაციის წესდების შესაბამისად. ადვოკატთა ასოციაციის აღმასრულებელი საბჭოს მიერ, 2012 წელს, დამტკიცებული განგრძობადი იურიდიული განათლების კონცეფციის საფუძველზე, პირველად საქართველოში, ამოქმედდა განგრძობადი იურიდიული განათლების სისტემა, რომლის ფარგლებშიც, ადვოკატთა ასოციაციის წევრებისათვის სავალდებულო გახდა ყოველწლიურად, საგანმანათლებლო კრედიტ-საათების დაგროვება. 2012 წლიდან, დღემდე საქართველოს ადვოკატთა ასოციაციის სასწავლო ცენტრი, განგრძობადი იურიდიული განათლების ფარგლებში, ყოველ წელს, ორგანიზებას უწევს 300/400 საგანმანათლებლო ღონისძიებას.

ადვოკატთა ასოციაციის სასწავლო ცენტრის მისიაა, 'ვასწავლოთ და გავუზიაროთ გამოცდილება, ადვოკატებს და დაინტერესებულ პირებს უწყვეტად და ხარისხიანად', ხოლო მიზანი – 'უზრუნველყოს უმაღლესი ხარისხის, სპეციალიზებულ, პროფესიული იურიდიული სწავლების შესაძლებლობა მოქმედი და მომავალი ადვოკატებისთვის და იურიდიული პროფესიის სხვა წარმომადგენლებისთვის'.

ს.ს.ი.პ. საქართველოს ადვოკატთა ასოციაციის სასწავლო ცენტრის დებულებით განსაზღვრული მიზნების განსახორციელებლად ცენტრი:

- შეიმუშავებს სასწავლო ცენტრის განვითარების სტრატეგიასა და სამოქმედო გეგმას;
- ყოველწლიურად, ორგანიზებას უწევს საგანმანათლებლო ღონისძიებებს საქართველოს ადვოკატთა ასოციაციის წევრებისათვის და იურიდიული პროფესიის სხვა წარმომადგენლებისთვის;
- განგრძობადი იურიდიული განათლების პოპულარიზაციისა და განვითარების ხელშეწყობისთვის შეიმუშავებს და ახორციელებს სხვადასხვა პროექტებს;
- ერთობლივი საგანმანათლებლო ღონისძიებების დაგეგმვისა და განხორციელების მიზნით, თანამშრომლობს საგანმანათლებლო დაწესებულებებთან, საერთაშორისო/ადგილობრივ ორგანიზაციებთან და ექსპერტებთან;
- სპეციალური გამოკითხვების მეშვეობით, ყოველწლიურად განსაზღვრავს ადვოკატთა ტრენინგ საჭიროებებს;
- საგანმანათლებლო ღონისძიებებისთვის შეიმუშავებს დამოუკიდებელ სასწავლო პროგრამებს, სასწავლო მოდულებს და ლიტერატურას;
- ახორციელებს სხვა პროვაიდერების მიერ განგრძობადი იურიდიული განათლების ფარგლებში, შემოთავაზებული, აკრედიტებული საგანმანათლებლო ღონისძიებების მონიტორინგს;
- ორგანიზებას უწევს ადვოკატთა საკვალიფიკაციო გამოცდებს;
- ორგანიზებას უწევს ადვოკატთა საკვალიფიკაციო გამოცდებისთვის მოსამზადებელ კურსებს;

ასრულებს ს.ს.ი.პ. საქართველოს ადვოკატთა ასოციაციის სასწავლო ცენტრის დებულებითა და კანონმდებლობით გათვალისწინებულ სხვა ფუნქციებსა და მოვალეობებს.

2015 წელს მიღწეული შედეგები

საგანმანათლებლო ღონისძიებები

2015 წლის განმავლობაში, განგრძობადი იურიდიული განათლების ფარგლებში, ადვოკატთა ასოციაციის სასწავლო ცენტრის, საერთაშორისო ორგანიზაციებისა და სხვადასხვა საგანმანათლებლო დაწესებულებების მხარდაჭერითა და ორგანიზებით, ადვოკატებისთვის ჩატარდა 374 საგანმანათლებლო ღონისძიება, 82 სხვადასხვა თემაზე:

1. ადამიანის უფლებათა ევროპული სასამართლოს გადაწყვეტილებების აღსრულების მნიშვნელოვანი ასპექტები
2. ადამიანის უფლებათა ევროპული სასამართლოს პროცედურები და პრაქტიკა
3. ადამიანის უფლებათა საერთაშორისო სამართალი
4. ადამიანის უფლებათა ევროპული კონვენციის და ევროპის შესწორებული სოციალური ქარტიის შედასახელმწიფოებრივ დონეზე გამოყენება
5. ადამიანის უფლებები სისხლის სამართლის ასპექტებზე
6. ადვოკატთა პროფესიული ეთიკა
7. ადვოკატის როლი მედიაციის პროცესში
8. ადმინისტრაციული საქმეთა განხილვა პირველი ინსტანციის სასამართლოში
9. არასრულწლოვანთა მართლმსაჯულება
10. არბიტრაჟი
11. აღკვეთი ღონისძიებები
12. ბიზნეს სამართლის სიმპოზიუმი
13. ბრალეული და ბრალის გარეშე პასუხისმგებლობა დელიქტურ სამართალში
14. გადახდის უუნარობის საქმის წარმოება
15. გაეროსა და ევროპის საბჭოს საზედამხედველო ორგანოებში ადამიანის უფლებების დარღვევების შესახებ განაცხადის მიღების კრიტერიუმები
16. დისკრიმინაცია გენდერულ საფუძველზე
17. ვადები და ხანდაზმულობა სამოქალაქო სამართალწარმოებაში
18. ვინდიკაციური და კონდიქციური სარჩელები
19. ზოგადი ადმინისტრაციული სამართალი
20. ინტელექტუალური საკუთრების უფლების აღსრულება
21. კომპანიის დირექტორების და პარტნიორების გამჭოლი პასუხისმგებლობა
22. კონკურენციის სამართალი
23. კრედიტის უზრუნველყოფის საშუალებები სამოქალაქო კოდექსის მიხედვით
24. ლტოლვილთა საერთაშორისო სამართალი

25. მიწის ნაკვეთზე საკუთრების უფლება
26. მტკიცებითი პროცესის პრობლემური საკითხები სამოქალაქო სამართალწარმოებაში
27. მტკიცებულებათა დასაშვებობა სისხლის სამართლის პროცესში
28. მტკიცებულებათა მოპოვება დაცვის მხარის მიერ
29. ნაფიც მსაჯულთა შერჩევა და ინსტრუქციები
30. ოჯახში ძალადობის აღკვეთის ეროვნული და საერთაშორისო მექანიზმები
31. ოჯახში ძალადობის აღკვეთის მსხვერპლთა დაცვისა და დახმარების საკითხები
32. პარტნიორთა შეთანხმებებისა და დირექტორთა პასუხისმგებლობის სამართლებრივი, ფინანსური და საგადასახადო ასპექტები
33. პირდაპირი და ჯვარედინი დაკითხვა
34. რელაციის მეთოდი
35. როგორ მიემართოს ადამიანის უფლებათა ევროპულ სასამართლოს
36. საავტორო უფლებები
37. საბანკო გარანტია, როგორც მოთხოვნის უზრუნველყოფის საშუალება და მისი სამართლებრივი რეგულირება
38. საერთაშორისო ბიზნეს ხელშეკრულებების მოლაპარაკება და შედგენა საერთაშორისო ნასყიდობის სამართლის მაგალითზე
39. საერთაშორისო დავები
40. საერთაშორისო ნასყიდობის ხელშეკრულების მოლაპარაკება/დადება და მასთან დაკავშირებით წარმოშობილი საერთაშორისო ბიზნეს დავების გადაწყვეტა
41. საკონსტიტუციო სასამართლოს გადაწყვეტილებების მიმოხილვა
42. სამეწარმეო სამართალი
43. სამოქალაქო სამართლის პრობლემური საკითხები
44. სამოქალაქო საქმეთა განხილვა პირველი ინსტანციის სასამართლოში
45. საოჯახო მემკვიდრეობითი სამართალი
46. საპროცესო შეთანხმება
47. სასამართლო გადაწყვეტილებების დასაბუთების ტექნიკა
48. სასაქონლო ნიშნები
49. სახელშეკრულებო და დელიქტური მოთხოვნები
50. სისხლის სამართლის კანონმდებლობის აქტუალური საკითხები (პრობლემები და ინოვაციები)
51. სისხლის სამართლის მომზადების პროცესუალური საკითხები და სადავო დოკუმენტების ექსპერტიზა
52. სისხლის სამართლის საპროცესო კოდექსში შესატანი ცვლილებები
53. სისხლის სამართლის საქმის მომზადების პროცესუალური საკითხები და სადავო დოკუმენტების ექსპერტიზა
54. სისხლის სამართლის შეჯიბრებითობა
55. უძრავი ქონების რეგისტრაციის სამართლებრივი საფუძვლები
56. ფულადი ვალდებულებები
57. ფულის გათეთრება
58. შრომითი უფლებები, საერთაშორისო სტანდარტები და შიდა კანონმდებლობა

59. შრომის სამართალი
60. ხელშეკრულებიდან გასვლა
61. HELP-ის პროგრამის პრეზენტაცია

OLP - დისტანციურ სწავლების პლატფორმა

ს.ს.ი.პ საქართველოს ადვოკატთა ასოციაციის წევრებისთვის ABA ROLI-მ შექმნა განგრძობადი იურიდიული განათლების პირველი ინტერნეტ პროგრამა – ონლაინ სწავლების პლატფორმა (OLP) და შეიმუშავა არასტანდარტული ტიპის ტრენინგების მოდული, Skype და DVD ტრენინგები. OLP მოიცავს ვიდეო ტრენინგებს, სასწავლო მასალას, სხვადასხვა სახელმძღვანელოებსა სამართლისა და საერთო სპეციალიზაციის წევრებს აქვთ შესაძლებლობა, მათთვის სასურველ დროსა და ადგილას აიმაღლონ კვალიფიკაცია და დააგროვონ სავალდებულო კრედიტ-საათები.

2015 წელს, ონლაინ სწავლების პორტალზე (olp.abarol.ge), ადვოკატთა ასოციაციის საერთო და სისხლის სამართლის სპეციალიზაციის წევრებისათვის, ხელმისაწვდომი იყო ტრენინგები თემებზე:

1. ავტო-საგზაო შემთხვევათა ექსპერტიზა
2. ბალისტიკა
3. ბალისტიკური მტკიცებულებები; დნმ, როგორც მტკიცებულება
4. დაცვის საგამომიებო უფლებამოსილებანი, სისხლის სამართლებრივი დევნა
5. თანამსრულებლობისა და თანამონაწილეობის გამიჯვნის საკითხი
6. თაღლითობის გამიჯვნა ხელშეკრულებით ნაკისრი ვალდებულებების შესრულებისთვის სამოქალაქო პასუხისმგებლობისგან
7. კლიენტის გამოკითხვა, მოწმის მიმზადება, პროტესტი, სასამართლო დარბაზის აღჭურვილობა, ვიზუალური ეფექტი
8. კრიმინალისტიკა - როგორც მეცნიერება და მისი შესწავლის მეთოდოლოგია
9. მტკიცებულებები სისხლის სამართლის პროცესში
10. მხარეთა თანასწორობა და შეჯიბრებითობა
11. ნაფიც მსაჯულთა ინსტრუქციები, ნაფიც მსაჯულთა შერჩევა
12. ნივთმტკიცებები - მიკროსამყარო
13. პირობითი მსჯავრი
14. სამართალწარმოების პროცედურები და ადვოკატის ქცევის წესები ადამიანის უფლებათა ევროპულ სასამართლოში
15. სამართლებრივი მართლწერის უნარ-ჩვევები
16. საქმის ანალიზი
17. საქმის წარმოება ადამიანის უფლებათა ევროპულ სასამართლოში, დასაშვებობის კრიტერიუმები და გადაწყვეტილებების აღსრულება
18. სისხლის სამართლის პროცესი, ზოგადი დებულებანი/ტერმინთა განმარტება
19. ფსიქიატრიული ექსპერტიზა
20. ქმედების კვალიფიკაცია ობიექტური და სუბიექტური ნიშნით კვალიფიცირებულ შემადგენლობებში

21. შესავალი და დასკვნითი სიტყვა

ინოვაცია – მრგვალი მაგიდის ფორმატის ღონისძიება

2015 წლის, 27 ოქტომბერს საქართველოს ადვოკატთა ასოციაციის სასწავლო ცენტრის ორგანიზებით, საგანმანათლებლო საბჭოს პატრონაჟით და ევროკავშირის და ევროპის საბჭოს ერთობლივი პროექტის („საქართველოს ადვოკატთა ასოციაციის მხარდაჭერა“) მხარდაჭერით, მრგვალი მაგიდა გაიმართა, სადაც განხილულ იქნა სამოქალაქო სამართალწარმოების აქტუალური საკითხები, როგორებიცაა მოსამართლის როლი შეჯიბრებითობის პრინციპის კონტექსტში და მტკიცების ტვირთის გადანაწილება. შეხვედრის მიზანი იყო მოსამართლეების და ადვოკატების ერთობლივი მონაწილეობა დისკუსიაში, ორი განსხვავებული პერსპექტივის ჭრილში საკითხების შეფასების თვალსაზრისით.

შეხვედრაში ექსპერტების რანგში მონაწილეობა მიიღეს დიდი სამოსამართლო გამოცდილების მქონე იურისტებმა ქ-ნათია გუჯაბიძემ და ქ-ნ ქეთევან მესხიშვილმა. შეხვედრა საინტერესო და ინტერაქტიული დისკუსიის ფორმით წარმართა და ადვოკატებმა მიიღეს ამომწურავი ინფორმაცია თანამედროვე სასამართლო პრაქტიკის თაობაზე. ექსპერტთა მხიდან აღინიშნა ის პროფესიული განვითარება და შესამჩნევი პროგრესი, რაც ადვოკატთა ასოციაციამ განიცადა თავისი არსებობის 10 წლიანი ისტორიის მანძილზე.

ადვოკატთა ასოციაციის სასწავლო ცენტრი, საგანმანათლებლო საბჭოს პატრონაჟით, კვლავაც გარძელებს ასეთი ტიპის სადისკუსიო შეხვედრების ორგანიზებას, როგორც სამოქალაქო, ასევე სამართლის სხვა დარგების აქტუალურ საკითხებზე.

სპეციალიზებული კურსები არასრულწლოვანთა მართლმსაჯულების საკითხებზე

არასრულწლოვანთა მართლმსაჯულების კოდექსში შესული ცვლილებების თანახმად, 2016 წლის, 1 იანვრიდან, არასრულწლოვანთა საქმეების წარმოების უფლება ექნებათ მხოლოდ არასრულწლოვანთა მართლმსაჯულებაში სპეციალიზებულ ადვოკატებს, რომელთაც გავლილი აქვთ პეციალური სწავლება თემაზე „არასრულწლოვანთა მართლმსაჯულება, ფსიქოლოგია და არასრულწლოვანთან ურთიერთობის მეთოდები“ და სასწავლო პროგრამის გავლისა და ტესტირების ჩაბარების შედეგად, მინიჭებული აქვთ არასრულწლოვანთა მართლმსაჯულებაში სპეციალიზებული ადვოკატის სტატუსი.

2015 წელს, ადვოკატთა ასოციაციის სასწავლო ცენტრის ორგანიზებით და საერთაშორისო ორგანიზაციების: **UNICEF, Hulla&Co. Human Dynamics KG, COE, IRZ** მხარდაჭერით, ჩატარდა 13 სპეციალიზებული კურსი ადვოკატებისთვის თემაზე: „არასრულწლოვანთა მართლმსაჯულება, ფსიქოლოგია და არასრულწლოვანთა ურთიერთობის მეთოდები“. კურსი გაიარა 335-მა ადვოკატმა, მთელი საქართველოს მასშტაბით.

სპეციალიზებული კურსების ორგანიზებისთვის 2015 წლის სამოქმედო გეგმის მიხედვით, განხორციელდა შემდეგი აქტივობები:

- ტრენინგების შერჩევა/გადამზადება;
- სპეციალიზებული კურსისთვის სასწავლო მოდულის მოდიფიცირება;
- სპეციალიზებულ კურსში მონაწილეობის მისაღებად გამოცხადდა ადვოკატთა შესარჩევ კონკურსი, რომელშიც მონაწილეობა მიიღო 400-მდე ადვოკატმა. კონკურსის შედეგად შეირჩა კურსის 335 მონაწილე.
- დაიბეჭდა არასრულწლოვანთა მართლმსაჯულებაში სპეციალიზების დამადასტურებელი სერტიფიკატები და დოკუმენტები.

არასრულწლოვანთა მართლმსაჯულების საკითხებზე, სპეციალიზებული კურსის ჩატარების ადგილები და კურსის მონაწილე ადვოკატთა რაოდენობა:

- თბილისი – 239 (თბილისიდან 201, გორიდან 6, რუსთავიდან 6, მცხეთიდან 1, მარნეულიდან 2, თეთრიწყაროდან 1, გარდაბანიდან 1, ხაშურიდან 3, ახალციხიდან 1, ბორჯომიდან 3, კახეთიდან 12, ცაგერიდან 1, ჭიათურიდან 1 მონაწილე);
- ქუთაისი – 48 (ქუთაისიდან 41, სამტრედიიდან 3, რაჭიდან 2, ხონიდან 1, ზესტაფონიდან 1 მონაწილე).
- ანაკლია – 25 (ზუგდიდიდან 13 ადვოკატი, სენაკიდან 10, ფოთიდან 1, მარტვილიდან 1 მონაწილე).
- ბათუმი – 23 (ბათუმიდან 19 ადვოკატი, ხელვაჩაურიდან 1, გურიიდან 3 მონაწილე).

სპეციალიზებულ ადვოკატთა შესახებ, ინფორმაცია დაემატება ადვოკატთა ელექტრონულ რეესტრს, რომელიც 2016 წლის, 1 იანვრიდან, ხელმისაწვდომი იქნება ვებ-გვერდებზე: gba.ge : edu.gba.ge

ადვოკატთა ასოციაციის სასწავლო ცენტრი, გაეროს ბავშვთა ფონდის, UNICEF-ის მხარდაჭერით, 2016 წელსაც განაგრძობს, სპეციალიზებული კურსების ჩატარებას. კურსში მონაწილეობის მიღებით დაინტერესებულ ადვოკატთა, შერჩევის პროცესი განახლდება 2016 წლის, 18 იანვრიდან და კურსის გავლის/ტესტირების წარმატებით ჩაბარების შედეგად, ყველა მსურველ ადვოკატს მიეცემა არასრულწლოვანთა მართლმსაჯულების საკითხებზე სერტიფიცირების საშუალება.

ადვოკატთა საკვალიფიკაციო გამოცდები

2014 წლიდან, ს.ს.ი.პ საქართველოს ადვოკატთა ასოციაცია ადვოკატთა საკვალიფიკაციო გამოცდას საერთაშორისო ექსპერტების მიერ რეკომენდებული ახალი წესებითა და ელექტრონული სისტემით ატარებს. ადვოკატთა ასოციაციის სასწავლო ცენტრის ორგანიზებით, 2015 წელს, ადვოკატთა საკვალიფიკაციო გამოცდის ყველა მონაწილემ გამოცდა ჩააბარა ელექტრონული პროგრამის მეშვეობით, პროგრამა საქართველოს ადვოკატთა ასოციაციას გადაეცა, USAID-ის მართლმსაჯულების დამოუკიდებლობისა და სამართლებრივი გაძლიერების პროექტის, JILEP-ის, მიერ, რომელსაც საქართველოში East West Management Institute-ი ახორციელებს. კომპიუტერული პროგრამა იძლევა აპლიკანტთა რეგისტრაციის, გამოცდის ჩაბარებისა და გასაჩივრების საშუალებას ელექტრონული ფორმით. პროგრამის მეშვეობით აპლიკანტისთვის გამოცდის შედეგი ცნობილი ხდება გამოცდის დასრულებისთანავე.

ადვოკატთა საკვალიფიკაციო გამოცდის 2015 წლის სტატისტიკური მონაცემები

- 2015 წლის, ივნისი:

გამოცდაში მონაწილეობა მიიღო 534-მა აპლიკანტმა; გამოცდა ჩააბარა 26%-მა.

- 2015 წლის, დეკემბერი:

გამოცდაში მონაწილეობა მიიღო 591-მა აპლიკანტმა გამოცდა ჩააბარა 25%-მა.

ადვოკატთა საკვალიფიკაციო გამოცდისთვის მოსამზადებელი კურსები

2012 წლიდან ადვოკატთა ასოციაციის სასწავლო ცენტრი ორგანიზებას უწევს ადვოკატთა საკვალიფიკაციო გამოცდისთვის მოსამზადებელ კურსებს. მოსამზადებელი კურსი ითვალისწინებს გამოცდის თეორიული მასალის, უახლესი საკანონმდებლო ცვლილებებისა და ტესტის ამოხსნის მეთოდების შესწავლას.

2015 წელს სასწავლო ცენტრმა ორგანიზება გაუწია 2 მოსამზადებელ კურსს, გაზაფხულისა და შემოდგომის ადვოკატთა საკვალიფიკაციო გამოცდებისთვის.

ადვოკატთა ასოციაციის საგანმანათლებლო საბჭო

2015 წლის განმავლობაში, საგანმანათლებლო საბჭო ყოველ თვეს ატარებდა სხდომებს და შეიმუშავებდა რეკომენდაციებს აღმასრულებელი საბჭოსთვის წარსადგენად.

საგანმანათლებლო საბჭოს რეკომენდაციების გათვალისწინებით, განისაზღვრა განგრძობადი იურიდიული განათლების, 2015 წლის პოლიტიკა, სავალდებულო კრედიტ-საათების რაოდენობა. ასევე სასწავლო ცენტრის 2015 წლის, საქმიანობის მიმართულებები და პრიორიტეტები. განხორციელდა აკრედიტებული ღონისძიებების მონიტორინგი; განგრძობადი იურიდიული განათლების ფარგლებში დაგეგმილ საგანმანათლებლო ღონისძიებებს მიენიჭა აკრედიტაცია; საბჭოს რეკომენდაციით განისაზღვრა ადვოკატთა საკვალიფიკაციო გამოცდებისთვის მოსამზადებელი, 2015 წლის, პროგრამა. შეიმუშავდა ადვოკატის პროფესიაში შესვლის სავალდებულო სტაჟირების სისტემის კონცეფციის პირველადი პროექტი.

ადვოკატის პროფესიაში შესვლის სავალდებულო სტაჟირების სისტემის კონცეფცია (პროექტი)

სავალდებულო სტაჟირების სისტემა გულისხმობს, ადვოკატის პროფესიაში შემოსვლის მსურველის, პროფესიულუნარ-ჩვევებში მომზადებას, სასწავლო და პრაქტიკული კურსის გავლის გზით. სავალდებულო სტაჟირების სისტემის მიზანია, საადვოკატო საქმიანობის პრაქტიკული ცოდნისა და უნარ-ჩვევების მქონე პირის პროფესიაში მიღება.

სისტემა შეიმუშავების პროცესშია. შეიქმნება სამუშაო ჯგუფი, რომელიც საგანმანათლებლო საბჭოს წევრებთან ერთად, განიხილავს განსახორციელებელ აქტივობებს და რესურსებს. პროცესი დაკავშირებულია საკანონმდებლო ცვლილებებთან და ამ ეტაპზე ახლად გაწვერიანებული ადვოკატებისთვის მოქმედებს იგივე სისტემა, რაც მოქმედი წევრებისთვის არის განსაზღვრული, განგრძობადი იურიდიული განათლების წესებში.

სასწავლო ცენტრის ვებ გვერდი

EDU.GBA.GE ფუნქციონირებს 2013 წლიდან; ვებ გვერდი მომხმარებელს სთავაზობს ინფორმაციას, განგრძობადი იურიდიული განათლების ფარგლებში დაგეგმილი საგანმანათლებლო ღონისძიებების, ადვოკატთა საკვალიფიკაციო გამოცდების, გამოცდისთვის მოსამზადებელი კურსებისა და სხვა სიახლეების შესახებ.

6) ეთიკის კომისია

სტატისტიკური მონაცემები

- 2015 წლის 30 ნოემბრის მონაცემებით სსიპ „საქართველოს ადვოკატთა ასოციაციის“ ეთიკის კომისიაში რეგისტრირებულია 87 საჩივარი. ანგარიშის შედეგის მომენტი სათვის წინა წლებიდან ნაშთის სახით გადმოსული 64 საქმის გათვალისწინებით 80 საქმეზე წარმოება დასრულებულია. საქმეთა განხილვის მიზნით საპროცესო საქმეებზე ჩატარებულ სხდომათა რიცხვი შეადგენს - 134-ს, ხოლო განხილვის საქმეებზე ჩატარდა 39 სხდომა.
- 2015 წლის განმავლობაში, ეთიკის კომისიაში საჩივრები წარმოდგენილია შემდეგი სუბიექტების მიერ: კლიენტების მიერ - 54 საჩივარი; სასამართლოს მიერ - 5 საჩივარი, პროკურატურის მიერ - 1, ადვოკატების მიერ - 1 საჩივარი, მოწინააღმდეგე მხარის მიერ - 24, სხვა პირთა მიერ - 2 საჩივარი.
- ეთიკის კომისიამ არ დააკმაყოფილა 34 პირის მოთხოვნა ადვოკატთა წინააღმდეგ დისციპლინური დევნის აღძვრაზე და, შესაბამისად, მიიღო დისციპლინური დევნის აღძვრაზე უარის თქმის შესახებ გადაწყვეტილება „ადვოკატთა დისციპლინური წარმოებისა და დისციპლინური პასუხისმგებლობის შესახებ“ დებულებით გათვალისწინებული საფუძვლების არსებობის გამო, რაც შეადგენს დასრულებულ საქმეთა რაოდენობის 27%-ს. მოცემულ შემთხვევაში, საჩივრები შეეხებოდა ადვოკატის მიერ კვალიფიციური და კეთილსინდისიერი წარმომადგენლობის ვალდებულების, ინფორმაციის მიწოდების ვალდებულების, ინტერესთა კონფლიქტის დაუშვებლობის, სასამართლოში ქცევის წესებისა და კოლეგიალობის პრინციპის დარღვევის თაობაზე პრეტენზიებს, თუმცა, საჩივართა შესწავლის შედეგად არ დადასტურდა ადვოკატთა მიერ ხსენებული პრინციპების დარღვევა.
- 15 საჩივარზე ეთიკის კომისიამ მიიღო გადაწყვეტილება დისციპლინური წარმოების შეწყვეტის თაობაზე. აქედან 3 საჩივარზე - წარმოება შეწყდა ხანდაზმულობის მიზეზით; 3 საჩივარზე წარმოება შეწყდა იმ მიზეზით, რომ ადვოკატს შეუწყდა ადვოკატთა ასოციაციის წევრის სტატუსი; 5 საჩივარზე - თავად საჩივრის ავტორებმა თქვეს უარი საჩივარზე, დისციპლინური საქმის საპროცესო წესით განხილვის ეტაპზე, 4 საჩივრის განხილვაზე თავად ეთიკის კომისიამ თქვა უარი, ვინაიდან მხარეთა შორის სადაო საკითხი არ შედიოდა ეთიკის კომისიის კომპეტენციაში. დასრულებულ საქმეთა საერთო რაოდენობის 12%-ზე შეწყდა დისციპლინური წარმოება.
- ეთიკის კომისიამ 18 საქმეზე აღძრა დისციპლინური დევნა და შესაბამისად ეს საქმეები გადაეცა განხილვის კოლეგიებს, რაც საჩივრების დასრულებულ საქმეთა რაოდენობის 14%-ს შეადგენს. დისციპლინური დევნის აღძვრის საფუძვლებს ძირითადად წარმოადგენს ადვოკატთა მიერ შემდეგი პროფესიული ვალდებულებების დარღვევა: კვალიფიციური და კეთილსინდისიერი წარმომადგენლობის განხორციელების ვალდებულების დარღვევა (11 შემთხვევა), კლიენტისათვის ინფორმაციის მიუწოდებლობა საქმის მსვლელობის თაობაზე (9

შემთხვევა), ნდობის პრინციპის დარღვევა (4 შემთხვევა), სასამართლოზე ქცევის წესების დაცვა და პროცესის სხვა მონაწილეთა უფლებების დაცვა (1 შემთხვევა), კლიენტის მითითებების შეუსრულებლობა (3 შემთხვევა), კლიენტის ინტერესების პრიორიტეტულობა (3 შემთხვევა), ინტერესთა კონფლიქტის დაუშვებლობა (3 შემთხვევა), საადვოკატო მომსახურების შეწყვეტის შემდეგ მომსახურებისთვის მიღებული თანხის გამოქვითვა (4 შემთხვევა), კოლეგიალობა (2 შემთხვევა), კლიენტის ინტერესების დასაცავად კანონიერი საშუალებების გამოყენების ვალდებულება (2 შემთხვევა)

- საანგარიშო პერიოდის განმავლობაში განხილვის კოლეგიებმა 11 საქმეზე მიიღეს გადაწყვეტილება ადვოკატის დისციპლინური პასუხისმგებლობის დადგენის თაობაზე.
- 3 საქმეზე ადვოკატების მიმართ დისციპლინური ზემოქმედების ზომად განისაზღვრა კერძო სარეკომენდაციო ბარათი;
- 8 საქმეზე დისციპლინური სახდელის სახით გაფრთხილება იქნა გამოყენებული.

დისციპლინური საქმის განხილვის კოლეგიის მიერ შესწავლის ეტაპზე, ეთიკის კომისიის მიერ 5 შემთხვევაში ადვოკატი იქნა გამართლებული, ვინაიდან არ დადასტურდა ადვოკატის მიერ „ადვოკატთა შესახებ“ საქართველოს კანონითა და პროფესიული ეთიკის კოდექსით დადგენილი სტანდარტების დარღვევა.

საქართველოს უზენაეს სასამართლოში გასაჩივრდა 3 გადაწყვეტილება. სადისციპლინო პალატამ 2 გადაწყვეტილება უცვლელი დატოვა, ხოლო ერთ გადაწყვეტილებაზე შეცვლა დისციპლინური პასუხისმგებლობის ფორმა და ადვოკატს გაფრთხილების ნაცვლად მიემართა კერძო სარეკომენდაციო ბარათით.

რეკომენდაციათა სტატისტიკური მონაცემები

ეთიკის კომისიაში დანერგილმა სიახლემ რეკომენდაციების გაცემის შესახებ, რომელიც ამოქმედდა 2013 წლის მარტის თვიდან, უკვე დაიმკვიდრა თავისი ადგილი ადვოკატთა შორის. 2015 წლის 22 ოქტომბრის მონაცემებით კომისიამ ამოქმედებიდან 107 რეკომენდაცია გასცა, მათგან 47 წერილობითი სახით, 60 კი - ზეპირი რჩევა, «ცხელი ხაზის» მეშვეობით.

შეკითხვის მოთხოვნას 15 შემთხვევაში წარმოადგენდა მატერიალური ნორმის განმარტება, 6 შემთხვევაში საპროცესო ნორმის განმარტება და 86 შემთხვევაში ჰიპოთეტურ შემთხვევაზე პრაქტიკული განმარტება.

რეკომენდაციის მიღების მსურველ ადვოკატს 5 შემთხვევაში უარი ეთქვა რეკომენდაციის გაცემაზე. 2 შემთხვევაში შეკითხვა უკავშირდებოდა ეთიკის კომისიის წარმოებაში არსებულ საქმეს, ხოლო 3 შემთხვევაში დასმული საკითხი არ შეეხებოდა ეთიკის კომისიის კომპეტენციას.

დამატებითი საქმიანობების ჩამონათვალი

2015 წლის განმავლობაში, სსიპ „საქართველოს ადვოკატთა ასოციაციის“ ეთიკის კომისიის მიერ ან მისი წევრების მონაწილეობით განხორციელდა შემდეგი ღონისძიებები:

- ეთიკის კომისიის წევრებმა და აპარატმა მონაწილეობა მიიღო გადაწყვეტილების დასაბუთებულობასა და წერის მეთოდებზე სემინარში, რომელიც გაიმართა ევროკავშირის სისხლის სამართლის სისტემის რეფორმის პროექტის ფარგლებში;
- ეთიკის კომისიის წევრები არაერთხელ შეხვდნენ ერთგვაროვან პრაქტიკასა თუ კომისიის განვითარებისთვის მნიშვნელოვან სხვა საკითხებზე სამსჯელოდ დონორთა მხარდაჭერით (ევროკავშირის სისხლის სამართლის სისტემის რეფორმის პროექტი, PROLOG, ევროსაბჭოსა და ევროკავშირის საერთო პროექტი „ადვოკატთა ასოციაციის მხარდაჭერა“);
- ევროსაბჭოსა და ევროკავშირის საერთო პროექტის „ადვოკატთა ასოციაციის მხარდაჭერის“ ფარგლებში გაიმართა მრგვალი მაგიდა, რომელზეც ეთიკის კომისიის აპარატმა წარმოადგინა ადვოკატთა დისციპლინური სამართალწარმოების დებულების ცვლილებებისთვის დისციპლინური წარმოების სისტემების კვლევა და მრგვალი მაგიდის მონაწილეებმა იმსჯელეს „ადვოკატთა დისციპლინური პასუხისმგებლობისა და დისციპლინური წარმოების“ დებულების ხარვეზებსა და შესაძლო ცვლილებებზე;
- ევროსაბჭოსა და ევროკავშირის ერთობლივი პროექტის „ადვოკატთა ასოციაციის მხარდაჭერის“ ფარგლებში გაიმართა პროექტის ექსპერტების მონაწილეობით მრგვალი მაგიდა, სადაც ექსპერტებმა წარმოადგინეს ეთიკის კოდექსისა და დისციპლინური წარმოების გაუმჯობესებისთვის საკანონმდებლო კვლევა და გაიმართა დისკუსია;
- ეთიკის კომისიამ აპარატთან ერთად მოამზადა „ადვოკატთა დისციპლინური პასუხისმგებლობისა და დისციპლინური წარმოების შესახებ“ ცვლილებათა პროექტი, რომელიც მიღების შემთხვევაში ხელს შეუწყობს დისციპლინური წარმოების ხარისხის გაზრდას.

2015-2016 წლების დაგეგმილი აქტივობები:

- ეთიკის კომისიის წევრების მონაწილეობა „ადვოკატთა შესახებ“ საქართველოს კანონზე მომუშავე ჯგუფში;
- უზენაესი სასამართლოს სადისციპლინო პალატაში ადვოკატთა საქმის განხილვის შესახებ კანონპროექტის შემუშავება;
- ეთიკის კომისიის დისციპლინური დებულების ცვლილებებზე სამუშაოების ორგანიზება კანონში შესატანი ცვლილებების გათვალისწინებით;
- ეთიკის კომისიის პრაქტიკის ანალიზის, მათ შორის გამოცემების გაკეთება;
- ეთიკის კომისიის გასვლითი შეხვედრების ორგანიზება ადვოკატებთან;
- ეთიკის კომისიის უფლებების კანონმდებლობით გარანტირების უზრუნველყოფისთვის მოქმედებების დაგეგმვა და განხორციელება;
- ეთიკის კომისიის საქმისწარმოების ელექტრონული პროგრამის განვითარება;
- სარეკომენდაციო ფუნქციის პოპულარიზაციისათვის სამუშაოების ორგანიზება;
- საერთაშორისო პრაქტიკის შესწავლის მიზნით ეთიკის კომისიის წევრების უცხოეთში სასწავლო ვიზიტების ორგანიზება;
- უნივერსიტეტებში ეთიკის საგნის სავალდებულო სწავლების უზრუნველსაყოფად მოქმედებების დაგეგმვა;
- ეთიკის კომისიის აპარატში საკადრო ბაზის სრულყოფა;

- ეთიკის კომისიის თანამშრომლობის გაღრმავებისათვის სასწავლო ცენტრთან ღონისძიებების დაგეგმვა და ორგანიზება;
- ეთიკის კომისიისთვის საზოგადოებასთან ურთიერთობების გეგმის ფორმირება;
- ეთიკის კომისიის გადაწყვეტილებების პოპულარიზაციისთვის ფორმების მოფიქრება და განხორციელება;
- პრაქტიკის განზოგადების კუთხით საერთო შეხვედრების ორგანიზება მოსამართლეებთან, პროკურორებთან;
- წლის ბოლოს მედიისთვის და დიპლომატიური კორპუსისთვის ასოციაციის საქმიანობის შესახებ ანგარიშის ჩაბარება;
- „ღია კარის“ დღის ორგანიზება ასოციაციაში – ექსკურსიები მოსწავლეებისთვის, სტუდენტებისთვის;
- ეთიკის კომისიის საქმიანობის განვითარებისათვის საგრანტო პროექტების მოძიებისა და განხორციელების ორგანიზება;
- ეთიკის კომისიის საქმიანობის ოპტიმიზაციის საკითხის გადახედვა;
- ეთიკის კომისიის მატერიალურ – ტექნიკური ბაზის გაუმჯობესებისთვის ღონისძიებების დაგეგმვა და ორგანიზება;
- არასამთავრობო ორგანიზაციებთან თანამშრომლობის გაღრმავებისთვის ღონისძიებების მოფიქრება და განხორციელება;
- ეთიკის საკითხებზე ყოველწლიური კონფერენციის მოწყობა;
- კანონშემოქმედებით სტრუქტურებთან ურთიერთობების განვითარებისათვის მოქმედებების დაგეგმვა და ორგანიზება.